


ル 5
2537
17



五
2537
20-17

日下舊聞卷三十四

京畿十

昌平州下

燕山自西山迤邐東來至玉田縣西北延袤數百里直抵海岸紀纂淵海

燕山去神京百里而近國朝諸陵寢在焉更名天壽翁文簡公集

永樂七年五月營壽陵于北京昌平縣東黃土山封曰天壽山命武義伯王通督工大政記

居庸東折一帶神嶺諸山若抱若拱八陵在焉治平畧

文皇帝初卜陵衆議欲用檀柁寺基上獨銳意用黃土山即天壽山也宣載

寧陽人王賢小遇異人相之當官三品乃授以青囊書



逐精其術永樂七年成祖卜壽陵有司以賢應命於昌平東北十八里選得吉壤舊名東榨子山陵成封曰天壽山

後累官至順天府尹 水東日記

永樂七年仁孝皇后尚未葬成祖擇壽陵久未行吉壤禮部尚書趙雅以江西術士廖均卿至昌平縣遍閱諸山得縣東黃土山成祖即日臨視封天壽山命武義伯王通董役授均卿官

獻徵錄

天壽山陵地或云江西廖均卿或云山東王賢賢字惟善中永樂辛卯鄉試以駉駉訓導擢戶科給事中陞光祿寺少卿尋遷順天府尹實錄暨兗州府志皆未言其精青烏之術所聞異辭難以懸定也 兩京求舊錄 陵故為康家莊長陵之東自餘步有土一丘康宅墓焉

康老者明初以前人也文皇帝卜斯地作山陵曰安死者入之同情也命多去 昌平山水記

自州西門而北六里至陵下有白石坊一座五架又北有石橋三空又二里至大紅門門三道東西二角門門外東西各有碑刻曰官員人等至此下馬入門一里有碑亭重簷四出屋中自穹碑高三丈餘龍頭龜趺題曰大明長陵神功聖德碑仁宗皇帝御製文也亭外四隅有石柱四俱刻交龍環之其東有行宮又前可二里為禱星門門三道俗名龍鳳門門之前有石人十二四勳臣四文臣四武臣石獸二十四四馬四麒麟四象四橐駝四獅各二立二蹲近者立遠者蹲石柱二刻雲氣並夾侍神路之旁迤邐而南以接乎碑亭碑文

後書洪熙二年四月十七日孝子嗣皇帝某謹述蓋文
成而碑未立宣德十年四月辛酉修長陵獻陵始置石
人石馬等于郾道東西十月己酉建長陵神功聖德碑
是時仁孝皇后之葬二十有三年太宗文皇帝之葬亦
十有一年矣然而始立者重民力也櫺星門北一里半
爲山坡坡西少南有舊行宮土垣一周坡北一里有石
橋五空又北二百步有大石橋七空大石橋東北一里
許有新行宮宮有感恩殿宮東南有工部廠及內監公
署大石橋正北二里有石橋五空又二里至長陵殿門
神道自嘉靖十五年世宗謁陵始命以石甃自大紅門
以內蒼松翠柏無慮數十萬株今盡矣同上
出昌平州東門數里入伽藍口又三里爲永陵園園後

曰蔣山山腹有神仙洞洞不甚深鐫字于旁曰蜿蜒龍
脊山吞月磊砢雲根洞有天上懸一石如覆鐘狀山上
有三清殿復行二里度一溪溪西有七鳳橋長陵神道
東流之水經焉旁有井故地名玉井灣北有工部廠與
龍王廟並廟碑三弘治嘉靖萬曆中太監王定張保山
潘朝用所立廠碑二其一思陵命太監魏國徵掌昌宣
軍務勅諭其一翰林韓四維所爲記也定與保山朝用
皆爲工部廠員命掌鎮兵則自國徵始繼之者王希忠
申之秀也希忠後死亂軍中之秀見賊陷京城削髮去
爲僧有司香太監貫宗云然又行里許爲德陵神宮監
又半里許名東井相傳成祖八妃葬此少北渡一小石
橋爲德陵陵西向面大溪過大石橋而西至永陵再西

而北至景陵由長陵西下坡渡石橋為獻陵又度小石橋為慶陵再度石橋二為裕陵松左右成列再西見碑樓出松林中度一大石橋抵碑樓下茂陵也松列樓外者存二十二株列樓以內至祿恩門者三十六株自祿恩門入難以數計矣由茂陵神馬廐神宮監而西三四里度一大石橋至泰陵渡溪而南至康陵折而北為錐石口自溪而東有斷橋循麓右轉復渡溪水上一岡至定陵少南為西井再南為萬妃墳又南則昭陵東至思陵肅松錄

天壽山陵前有鳳凰山後有黃花鎮左右蟒山右有虎峪東西山口兩水會流于朝宗河文皇帝塋所曰康家莊是為長陵次皇山距長陵一里有半是為獻陵次黑

山距獻陵三里是為景陵次石門山距景陵六里是為裕陵次寶山距裕陵二里是為茂陵次史家山距茂陵二里是為泰陵次金嶺山距泰陵三里是為康陵次陽翠嶺距康陵十六里是為永陵次大峪山距永陵九里是為昭陵次亦名大峪山距昭陵一里是為定陵次皇山二嶺距定陵五里是為慶陵燕都游覽志

德陵葬雙鎖山潭子峪在永陵東北志陵葬錦屏山小紅門內肅松錄

皇陵入路第一層龍沙帶崖第二層白玉石坊在紅門之前嘉靖十九年建坊北石橋橋南二喬松北瞰流泉松栢左右列各六行第三層自坊內行松陰中二里許至紅門下馬步入門內左為排塵殿圍牆正殿二層羣

室六十餘楹皇帝謁陵至此更衣左右槐樹正寢二殿
羣圍房各五百餘間第四層至龍鳳門黃綠琉璃甃治
門內外白玉石華表柱各二雕蟠龍色如乾黃玉門內
外石橋七座白玉石爲闌第五層至櫺星門門左右列雕龍白
碑高十許丈無字第六層至櫺星門門左右列雕龍白
玉石柱石人石馬麒麟象虎駱駝犀牛獅子燕都游覽
志

明初有玉鶻十二從南方來飛集燕山識者謂北平當
王蓋兆燕山十二陵也菊隱紀聞

天壽山名始于成祖蓋嘗駐蹕于此飲酒是日適萬壽
之期羣臣上壽故名天壽今之傳譌者謂爲御體所藏
名天壽者非也世廟藏餘錄

入紐門有殿曰時陟車駕更衣之所也神路中石獅子
犀象駱駝麟馬各四石人十二擎天柱四望柱二碑亭
一而九陵分道焉長陵當中正南鄉其左爲永陵景陵
右爲茂陵裕陵獻陵昭陵惟康泰二陵稍遠可三十里
小草叢集

宣德十年四月修葺長陵獻陵始置石人石馬于御道
東西實錄

景泰元年正月命於天壽山之南築城周圍十二里以
呂長陵獻陵景陵三衛官軍二年十月徙昌平縣治并
儒學倉庫於新築上城之內實錄

景泰七年七月太常寺言天壽山祖宗三陵所在今又
益以壽陵猶未列諸祀典請於每歲春祈秋報附祭天

壽山神主于北嶽之壇牲牢不加而事體實宜從之同

嘉靖庚戌寇長驅至天壽山總兵趙國忠列陣紅門前
寇不敢入而去世廟雜錄

長陵在龍鳳門正北十二里居中其地名山塲乃康家
莊也陵之左有元時康家墳存之春秋賜二祭陵規制
大於諸陵祿恩殿石欄三重惟此與定陵爲然其餘僅
一重耳登寶城徇從中道一門入與他陵左右掖門入
者異碑濶四尺五寸厚二尺五寸他陵亦不及也燕都
游覽

長陵在天壽山中峯之下門三道東西二角門門內東
神厨五間西神庫五間厨前有碑亭一座南向內有碑

龍頭龜趺無字重門二道榜曰祿恩門東西二小角門
門內有神帛爐東西各一其上爲享殿榜曰祿恩殿九
間重簷中四柱飾以金蓮餘髹漆階三道中一道爲神
路中平外城其平刻爲龍形東西二道皆城有白石欄
三層東西皆有級執事所上也兩廡各十五間殿後爲
門三道又進爲白石坊一座又進爲石臺其上爐一花
瓶燭臺各二皆白石又前爲寶城城下有甬道內爲黃
琉璃屏一座旁有紗分東西上折而南是爲明樓重簷
四出階前俯享殿後接寶城上有榜曰長陵中有大碑
一上書曰大明用篆下書曰成祖文皇帝之陵用楷字
大徑尺以金填之碑用朱漆欄畫雲氣碑頭交龍方以
寶城周圍二里城之內下有水溝自殿門左右繚以周

昌平山水記

垣屬之寶城舊有樹
長陵門右別有具服殿五間東向有周垣垣南有白石

槽五方而長名曰雀池貯水以飲雀
長陵葬成祖體天弘道高明廣運聖武神功純仁至孝

文皇帝仁孝慈懿誠明莊獻配天齊聖文皇后徐氏外

一十六妃謚葬不可考
嘉靖祀典

仁孝徐皇后中山王達長女后觀女憲女誠諸家約共

要義作內訓二十篇復采儒道釋嘉善善行類編勸善

書示皇太子諸王永樂五年七月崩
名山藏

宣德五年三月上駐蹕陵下謂侍臣曰皇祖嘗言古帝

王陵寢有崇奢麗及藏寶卡者皆無遠慮吾子孫宜戒

之不可蹈也今所建陵寢皆皇祖當時規畫不敢有所

增益
宣宗實錄

宣德十年十月己酉建長陵神功聖德碑
實錄

長陵碑正統初南城程南雲奉命書
同上

嘉靖十七年上閱長陵碑欲更成祖謚號命鈹木加碑

上郭勛上疏以為宜盡
不悅曰朕不忍琢傷舊

下禮部翰林院議部覆請導

上諭如式刊製擇吉奉
國朝典彙

萬曆三十二年雷震長陵碑上命重建於是大學士沈

一貫上疏言世祖欲收刻成祖陵碑而未遑今雷神奮

威乃天意示更新之象欲皇上繼成祖德乘此更立新

碑此莫大之慶也上優旨允行噫上蒼示警于祖陵正

宜君臣修省乃反以為瑞應形之章奏此王安石天變

不足畏罪浮十倍矣野獲編

楊士奇陪祀長陵作萬里蒼梧去不還宮車千古闕

橋山日華閒映芙蓉殿雲氣深連虎豹關扶病此時

瞻王几傷心何處望龍顏遺臣泣盡餘年淚天上烏

號不可攀東里集

李夢陽謁陵詩本朝陵墓傍居庸聞說先皇駐六龍

一自玉輿回朔漠遂令金殿鎖秋峯明禋袞職雖多

預備物祠官豈盡供報祀獨知今上切每於霜露見

愁容空同集

劉士驥長陵陪祀詩亦縣歸真上青山鎖故宮玉魚

沉永掖石馬立西風霜露秋容肅椒蘭祀典崇明禋

鷲馭在濟濟懸蟬軒草

鄭善夫至日陪祀長陵作長陵西接黃花鎮白雪蒼

巖夜色遙陰殿袞龍猶在目往時松栢已干霄總聞

一怒風塵起想見千官遷次朝悵極兩京興廢事小

山何意起漁樵少谷集

區大相供奉長陵詩又皇鼎成後此地葬衣冠日月

神宮闕山門市寢安塞雲疑扈蹕關樹想回鑾寂寞

犁庭事深知創業難弓劍思軒后山川會禹陵翠旗

何日返龍刃幾時升寢殿行春草幽宮寂夜燈萬年

關路北神武至今稱海目先生集

又雨中祀長陵東同事諸子作冒雨祠官肅山園禁

漏稀雲輕沉繡帳風細颯靈衣漸瀝松堦靜深沉燎

火微羣公攀望處入夜有龍歸同上

李應徵謁長陵詩曆數歸真主風雲護泰壇入關承
漢祚定鼎協殷盤帝學仍宗子皇都實壯觀荆蠻方
遜國代邸卽長安禮樂臨軒策旌旗出塞看天聲曾
勒石地界幾鳴鑾老上庭還徙溫禺血未乾關山殘
月暗榆木隕星寒薄葬遵文德豐碑象武桓烏號陵
邑守龍氣鼎湖蟠馳道通原廟周廬列從官乾坤留
劍舄伏臘拜衣冠宮殿秋陰肅松杉曉露團萬年圭
鬯恣此日守成難南牧頻飛檄西戎未解鞍虛聞勞
七萃猶自抗三韓聖軌誠難繼神功故不刊威靈長
在日流恨翠微端藿園遺藁
范景文詩松風一道瀉亭湍碧瓦鱗鱗白石闌一自
路荒清蹕後廿年閒殺老中官水簷堂草

仁宗昭皇帝陵曰獻陵在長陵之南
燕都游覽志

獻陵在天壽山西峯之下距長陵西少北一里自北五
空橋北三十餘步分西爲獻陵神路至殿門可半里有
碑亭一座重簷四出陞內有碑龍頭龜趺無字亭南有
小橋門三道榜曰稜恩門無角門殿五間單簷柱皆朱
漆直椽階三道其平刻爲雲花石欄一層東西有級兩
廡各五間餘如長陵殿有後門爲短簷屬之垣垣有門
垣後有上山曰玉案山故闢神路于殿西玉案山之右
有小橋前數步又一小橋跨溝水溝水自陵東來過橋
下會于北五空橋山後橋三道皆一空人進爲門三道
前如長陵而高廣殺之甬道平寶城小冢半垣榜曰獻
陵碑曰大明仁宗昭皇帝之陵餘前如長陵山之前門

及殿山之後門及寶城各為一周垣舊有樹 昌平山水志

記

獻陵葬仁宗敬天體道純誠至德弘文欽武章聖達孝
皇帝誠孝恭肅明德弘仁順天啟聖昭皇后張氏其
恭靖賢妃恭懿惠妃貞靜敬妃俱葬金山外一妃謚葬
不可考 嘉靖祀典

七妃三葬金山餘皆從葬 國朝典彙

誠孝張皇后永城人 城伯張麒女正統七年崩 名山

藏

上陵制獻陵最樸景陵次之洪熙元年五月上疾大
漸遺詔有曰朕臨御日淺恩澤未浹于民不忍重勞山
陵制度務從儉約是日上崩皇太子即皇帝位及營仁

宗皇帝山陵上諭尚書蹇義夏原吉等曰國家以四海
之富塋其親豈惜勞費然古之帝王皆從儉制孝子思
保其親之體魄于久遠者亦不欲厚塋秦漢之事足為
明鑒况皇考遺詔天下所共知今建山陵宜遵先志義
等對曰聖見高遠發于孝思誠萬世之利于是命成山
侯王通工部尚書黃福總其事其制度皆上所規畫也
昌平山水記

楊士奇謁陵詩去年侍從謁長陵此日重來慟倍曾

春柳春花渾似昔獻陵陵樹復層層君恩追憶不勝

哀老淚乾枯病骨摧陵下一束腸一斷餘生知復幾

迴來 東里集

宣宗章皇帝陵曰景陵在長陵之左 燕京游覽志

景陵在天壽山東峯之下距長陵東少北一里半自
五空橋南數步分東為景陵神路至殿門三里碑亭門
無如獻陵殿五間重簷階三道其平刻為龍形殿有後
門不屬垣殿後門三道並如獻陵甬道平實城長而狹
榜曰景陵碑曰大明宣宗章皇帝之陵周垣如長陵寶
城前存樹十五株冢上一株

昌平山水記

景陵葬宣宗憲天崇道英明神聖欽文昭武寬仁純孝
章皇帝孝恭懿憲慈仁莊烈齊天配聖章皇后孫氏而
以恭讓誠順康穆靜慈皇后胡氏至金山榮思賢妃亦
葬金山外六妃謚葬不可考

嘉靖禮典

八妃一葬金山餘皆從葬

國朝典彙

孝恭孫皇后鄒平人父忠永城守節天順六年崩

嘉

恭讓胡皇后濟寧人父榮錦衣百戶正統八年崩

同上

嘉靖十五年四月上親請景陵語郭勛等曰景陵規制
獨小又多損壞其於宣宗皇帝功德之大殊為勿稱當
重建享殿增崇基構

世宗實錄

天壽七陵惟景陵規制獨小嘉靖十五年稍廓大之

今

許國謁景陵詩宣宗黃屋闕青山十載雍熙想像間
磨藻而來金匱秘宸游長罷玉泉開蒼林迴合春流
斷紫霧冥濛書殿關始信霸陵留儉德試看階玉點
苔斑

許文穆公集

郭正域遣祀景陵詩宣皇陵廟天山裏王氣青葱鎖

帝悟只見丹臺餘寶鼎不聞銀海漾金鳧十官雲鳥
朝珠隴五夜雲車降紫都記得當年巡幸丁道傍
輦問農夫 黃離草

按實錄宣德十年三月庚子贈何氏爲貴妃
謚端靜趙氏爲賢妃謚純靜吳氏爲惠妃謚
貞順焦氏爲淑妃謚莊靜曹氏爲敬妃謚莊
順徐氏爲順妃謚貞惠袁氏爲麗妃謚恭定
諸氏爲恭妃謚貞靖李氏爲克妃謚恭順何
氏爲成妃謚肅僖謚册有曰茲委身而蹈義
隨龍馭以上實宜薦幾稱用彰節行是從
者蓋有十妃祀典典彙皆誤也

五宗睿皇帝陵曰裕陵在慶陵少西 燕都游覽志

天順八年六月裕陵成其制金井寶山城池一座照壁
一座明樓花門樓各一座俱三間香殿一座五間雲龍
五彩貼金珠紅油石碑一祭臺石一燒紙爐二神厨正
房五左右廂房六宰牲亭一墻門一奉祀房三門房三
神路五百三十八丈七尺神宮監前堂五間穿堂三間
後堂五間左右廂房四座二十間周圍歇房并廚房八
十六間樓一門房一大小墻門二十五小房八井一神
馬房馬房二十歇房九馬椿三十二大小墻門六白石
橋三甃石橋二周圍包砌河岸溝渠三百八十八丈二
尺栽培松樹二千六百八十四株 實錄
裕陵在石門山距獻陵西三里自獻陵碑亭前分西爲
裕陵神路路有小石橋碑亭北有橋三道皆一空平刻

雲花殿無後門榜曰裕陵碑曰大明英宗睿皇帝之陵
餘並如景陵寶城如獻陵垣內及冢上樹存一百七十
株 昌平山水記

裕陵葬英宗法天立道仁明誠敬昭文憲武至德廣孝睿皇
帝孝莊獻穆弘惠顯仁恭天欽聖睿皇后錢氏孝肅貞
順康懿光烈輔天成聖皇后周氏其靖莊安穆宸妃莊
僖端肅安妃端莊昭妃恭安和妃恭僖成妃榮靖貞妃
恭靖莊妃恭莊端惠德妃莊和安靖順妃昭肅靖端賢
妃端靖安和惠妃端靖安榮淑妃安和榮靖麗妃昭靜
恭妃僖恪克妃惠和麗妃端和懿妃俱葬金山貞順懿
恭惠妃葬桃山 嘉靖禮典
十八妃一葬縣山餘葬金山 國朝典彙

孝肅錢皇后海州人父貴都指揮僉事正統七年冊立
成化四年崩祔葬裕陵然異隧焉去英宗泉堂可數丈
許中室之虛右壙以待孝肅周后則其中有隧道通而
孝肅又不得預于配祭 名山藏
孝肅周太后昌平人慶雲侯贈寧國公龍女弘治十七
年三月崩 同上

本朝山陵初止一后祔葬至英宗配孝莊錢后崩時
憲宗壓于生母孝肅周后幾不得祔葬裕陵大臣力諍
之始虛孝肅元宮以待而二后並祔自此始矣 野獲編
天順八年正月上疾大漸遺命勿以嬪御殉葬令太監
牛玉執筆書之 皇明通紀

高廟文廟仁廟宣廟皆用人殉葬至英宗臨崩召憲廟

謂之曰用人殉葬吾不忍也此事宜自我止後世子孫勿復爲之至今遂爲定制否泰錄

宋獻陪祀裕陵詩龍荒六駕飛想像翠華歸廟社靈

無改天人理果微蒸嘗欣永托禮樂正垂衣寢殿澄

氛霧觚稜漾素輝昌平州志

憲宗純皇帝陵曰茂陵在裕陵西北燕鄒游覽志

茂陵在聚寶山距裕陵西一里自裕陵碑亭前分西爲

茂陵神路路有石橋一空制如裕陵榜曰茂陵碑曰大

明憲宗純皇帝之陵垣內外及冢上樹千餘株十二陵

惟茂陵獨完它陵或僅存御榻茂陵則奠簾之屬猶有

存者昌平山水記

茂陵墓憲宗繼天凝道誠明仁敬崇文肅武宏德聖孝

純皇帝孝貞莊懿恭靖仁慈欽天輔聖純皇后王氏孝

穆慈慧恭恪莊僖崇天承聖皇后紀氏孝惠康肅溫仁

懿順協天佑聖皇后邵氏而恭肅端順榮靖皇貴妃小

莖天壽山端順賢妃恭惠和妃和惠靖妃莊靖順妃端

榮妃莊懿德妃靖順惠妃昭順麗妃端僖安妃恭懿

敬如懷榮賢妃靖僖榮妃俱葬金山嘉靖祀典

孝貞王皇后上元人中軍都督贈阜國公鎮之女正德

十三年二月崩名山藏

孝穆皇后紀氏孝宗生母也初葬金山孝宗卽位遷合

塋孝惠皇后邵氏興獻帝生母也初葬金山世宗卽位

遷合塋十四妃一葬陵之西南餘俱葬金山廢后吳氏

亦葬金山國朝典故

孝穆紀太后賀人本蠻土官女成化十一年六月暴

孝惠邵太后昌化人父林嘉靖元年崩名山藏

憲宗初選吳氏旋廢則元配為孝貞后王氏而孝宗生

母為孝穆后紀氏同祔茂陵蓋循用祔陵新例至嘉靖

入繼則憲宗貴妃邵氏已稱壽安皇太后尋崩不葬金

山後亦遷祔茂陵於是三后並祔又從此始野獲編

程敏政望茂陵詩茂陵宮殿鬱參參已近先皇發引

時上界鸞聲應載道北山龍脉又分支遞遷九室藏

新主會遣千官奉節祠慙媿十年叨講幄一言無補

髮如絲篋教集

薛蕙謁茂陵祀孝貞太后詩一乘東朝養千秋不復

歸夜臺長寂寔川殿少光輝野露棲金盞山風動玉

衣茂陵多碧草春日自芳菲西原集

孝宗敬皇帝陵曰泰陵在茂陵之西燕都游覽志

泰陵在史家山距茂陵西少北二里自茂陵碑亭前分

西為泰陵神路路有石橋五空賢莊灰嶺二水逕焉碑

亭北有橋三道皆一空制如茂陵榜曰泰陵碑曰大明

孝宗敬皇帝之陵垣內及冢上樹自餘株存御座御案

御榻各一承塵皆五色花板多殘缺而茂陵泰陵獨完

昌平山水記

弘治十八年六月營泰陵于天壽山勅太監李興勅寧

伯譚祐工部左侍郎李鑑提督發五軍等三營官軍萬

人供役武宗實錄

初建泰陵都下盛傳其地有水吏部主事楊子器直言

曰下書開

卷三十四

其事時督工太監李興有殊寵勢焰薰灼遂下楊錦衣
獄莫敢救者適起復知縣丘泰莆田人到京上疏言于
器此奏甚有益蓋泰陵有水通國皆云使此時不言萬
一梓宮葬後有言者欲開則洩氣不開則抱恨終天今
視水有無此疑可釋尋遣司禮監太監蕭敬押楊往衆
謂必遭與毒手及至興率奴客詈罵楊欲垂之蕭敬曰
水之有無視之立見何必爾又顧興曰士大夫可殺不
可辱也遂得免既回奏無水衆又謂楊必死事傳禁中
太皇太后聞之曰無水則已何必罪之遂得還職九朝

野記

泰陵葬孝宗建天明道誠純中正聖文神武至仁之德
敬主帝孝康清蕭莊慈哲懿翊天贊聖敬皇后張氏嘉

嘉靖二十一年八月崩

孝康張皇后與濟人父巒都督同知壽寧伯贈昌國公
嘉靖二十一年八月崩名山藏

何景明謁泰陵詩世切如雲望天摧格帝功彌留念
諸將顧命托三公玉几星辰上元宮霜露中松楸慟
哭地白日起悲風大復集

徐禎卿長陵西望泰陵作新宮猶靄靄白露已蒼蒼
詎識神靈遠徒悲劍鳥藏陰風連大漠落日照漁陽
稽手攀松栢雲天灑淚長迪功集

邊貢俱事泰陵有述像設徒虛備龍游竟不還勳華
留率土精爽寄空山石錮金泉黜雲棲碧殿殿寢園
如種竹應有淚成斑華泉集

又望陵詩從倚東峯下西陵望鬱然元宮深闕日玉
座迴浮烟風雨清明候乾坤正德年攀龍無處所空
有淚潺湲憶在先朝日曾沾侍從恩鸞輿歸寂寞鳳
質儼生存夕日昏阡樹春風長澗繫祠官如可乞長
奉泰陵園 同上

顧璘詩松柏西陵路詞臣仗節來衣冠瞻漢寢弓劍
拜軒臺細雨春山濕明星曉殿開年年揮淚地不見
長蒼苔 息園集

王謳望泰陵詩寡昧慚樗散休明憶聖朝風雲猶鬱鬱
鬱松栢自蕭蕭弓劍仙原闕謳歌帝德昭放勲如可
作直欲贊神堯 彭衙集

向唐望泰陵作泉鳥一自掩重關惆悵龍髯不再攀

絳節定應歸帝所翠華無復到塵寰亂峯殘照元猿
哭衰草寒烟石獸閒載筆小臣凝望久玉樓瑤殿倚
空山 何文定公集

王衡詩九原何處不蒼涼弓劍橋山泣孝皇警夜燎
光承委珮當關午漏下封章翠旗風雨歸華表玉几
星辰照未央干禩泰陵坏土濕登臺七望一沾裳 綴

山集
武宗毅皇帝陵曰康陵在泰陵正西田大受謂康陵記
曰康陵西去紅門三十里十二陵中最僻遠者陵背負
五峯形如青菡萏舊名蓮花山灌莽陰森望之不見土
石長松大者至數十圍 燕都游覽志

康陵在金嶺山距泰陵西南二里自泰陵橋下分西南

爲康陵神路山勢至此折而南故康陵東向路有石橋
五空錐石口水逕焉又前有石橋三空制如泰陵榜曰
康陵碑曰大明武宗毅皇帝之陵明樓爲賊所焚垣內
外樹二三百株

昌平山水記

康陵葬武宗承天達道英肅睿哲昭德顯功宏文思孝
毅皇帝孝靜莊惠安肅溫誠順天偕聖毅皇后夏氏

嘉靖祀典

二妃葬金山

國朝彙典

孝靜夏皇后上元人父儒封慶陽伯嘉靖十四年崩名

山藏

馬汝驥望康陵詩康陵接泰陵西極紫雲層暮倚金
門柏秋攀玉殿藤地靈原有竹天壽豈無憑灑淚還

佳節龍髯不可升

西元集

王健上陵詩玉帛來天府衣冠去國門萬年周典禮
七葉漢陵園月擁元宮迴星依紫極尊翠華如在上
瞻切五雲屯

鶴泉集

張孚敬康陵陪祀作至日康陵上初封土未乾君臣
原一體瞻拜亦多官清路旌旗斷空山草木寒去年
當此日猶未返長安

羅峯集

顧夢圭謁康陵詩早霧籠山暝新松正殿稠三邊餘
武烈八駿想神游花萼皇情遠衣冠歲事修傷心大
官酒猶得獻千秋

堯貧錄

王世懋夜出康陵作石瀨苦頻涉巖巒却屢登寒星
動飛澗斷樹出踈燈不辨元宮色猶瞻紫氣層行行

回首寂寞問康陵 王奉常集

世宗肅皇帝陵曰永陵在長陵東南享殿前後凡五
墻內外皆植栝子松祿恩殿後之左有松卧而復起西
嚮三折而始上寶城頂有杏有桑 燕都游覽志

永陵在十八道嶺嘉靖十五年改名陽翠嶺距長陵東
南三里自七空橋北百餘步分東爲永陵神路長三里
有石橋一空有碑亭一座如獻陵而崇鉅過之碑亭南
有石橋三道皆一穴門三道門內東神厨五間西神庫
五間重門三道東西二小角門又進復有重門三道餘
以石闌累級而上方至中殿殿七間兩廡各九間其不
刻左龍右鳳石闌二層餘悉如長陵殿後有門兩旁有
垣垣各一門明樓照道東西爲白石門曲折而

之三面皆爲城堞榜曰永陵碑曰大明世宗肅皇帝之
陵享殿明樓皆以文石爲砌壯麗精緻長陵不及也寶
城前東西垣各爲一門門外爲東西長街而設重垣于
外垣凡二周皆屬之寶城共規制特大 昌平山水記

永陵葬世宗欽天履道英毅聖神宣文廣武洪仁大孝
肅皇帝孝潔恭懿慈睿安莊相天翊聖肅皇后陳氏孝
烈端順敏惠恭誠祇天衛聖皇后方氏孝恪淵純慈懿
贊天開聖恭順皇后杜氏 齊城小志

孝潔陳皇后元城人父萬言都督同知封恭和伯嘉靖
七年十月崩初謚悼靈皇后以其年別葬襖見谷久之
改謚孝潔穆宗卽位遷葬永陵孝烈方皇后江陵人父
都督銳封安平伯嘉靖二十六年宮中火后崩孝恪杜

太后大興人慶都伯林女嘉靖三十三年薨名山藏
嘉靖十五年作壽陵君卽位爲禋禮也壽宮在十八道
嶺今言

孝潔皇后陳氏初葬襖兒峪隆慶初遷合葬繼后方氏
葬金山孝恪皇后杜氏穆宗生母也初葬金山隆慶初
遷合葬二十六嬪惟五妃葬襖兒峪餘俱金山國朝典

世宗元配爲孝潔后陳氏繼曰孝烈后方氏上以方氏
有定變衛護功其崩也梓宮先入永陵元宮又特祧仁
宗以孝烈神主入太廟比穆宗登極遷孝潔梓宮與孝
烈並祔而上生母爲孝恪后杜氏亦遷祔焉永陵亦有
三后同穴一如茂陵故事矣野獲編

嘉靖十五年禮部諸臣上言帝后合葬諸妃陪葬古今
經常之制英宗皇帝遺詔皇妃他日宜合葬惠妃亦常
遷來以後諸妃次第祔葬聖訓具在今會典止載睿皇
后錢氏合葬裕陵諸妃竟無陪葬者茂陵亦無陪葬莫
考其故臣等竊以諸妃陪葬義則不當山隧宜于外垣
之內寶山城之外明樓之前左右相向以次而祔庶合
禮制從之嘉靖祀典

公罷謁永陵詩帝座明江漢河清應聖人規模千古
上制作百王新弓劍瞻遺像風雪想舊臣桃花流磧
壑長見永陵春間次齋稿
何喬遠謁永陵詩嗣服推真主垂衣數中興龍飛三
楚外鳳起五雲層英武天將縱聰明古未曾文思多

自渙威惠乃無恒議禮臣工屈箴心聖哲能居深三
殿秘坐致萬方澄龍首朱堂建具茨法駕登夜飛陳
寶石青映壽宮燈名昔張祖達聲終顏駟騰自注
臣以貢士射策蒙永陵親擢私門哀卞璧萬姓泣橋
陵甲楯神猶護松楸涕倍增中宵天仗外明月滿觚

稜鏡山集

穆宗莊皇帝陵曰昭陵在定陵之南東向燕都游覽志
昭陵在大峪山距長陵西南四里白七空徧北二百許
步分西爲昭陵神路長四里路有石橋五空德勝口水
逕焉又西有石橋一空陵東向碑亭西有橋三道皆一
空餘如康陵榜曰昭陵碑曰大明穆宗莊皇帝之陵明
樓爲賊所焚樹昌平山水記

昭陵塋穆宗契天隆道淵懿寬仁顯文光武純德弘孝
莊皇帝孝懿貞惠順哲恭仁儷天襄聖莊皇后李氏孝
安貞懿恭純溫惠佐天弘聖皇后陳氏孝定貞純欽仁
端肅弼天祚聖皇后李氏片城小志
孝懿李皇后昌平人德平伯銘女以世宗三十七年薨
于裕王邸孝安陳皇后大名人萬曆二十四年崩名山
藏

趙用賢陪祀昭陵紀事瑤臺晴雪淨春空劍珮聲沉
苑路東霜露每煩憂聖主貂璫無復肅齋宮通原燎
火分宵白拂樹霓旌映曉紅寂寞翠華惟望幸空餘
金粟鳥呼風松石齋集
黎邦琰昭陵詩松楸鬱鬱鎖崔巍寂寞春山帳殿開

鸞輅恍從漢下龍宮深注夜濤迴虛疑銀海羣鳧
浴無復瑤池八駿來去載垂衣歌聖澤攀髯何限鼎
湖哀嶺南文獻

神宗顯皇帝陵曰定陵在康陵之南東向田大受謂陵
記曰踰椽子嶺而北是為定陵燕都游覽志

神皇壽宮皆種栝子松

湧幢小品

定陵在大峪山距昭陵北一里自昭陵五空橋東二百
步分北為定陵神路長三里路有石橋三空陵東向碑
亭東有橋三道皆空制如永陵其不同者門內神厨
庫各三間兩岸各七間三重門旁各有墻墻有門不升
降中門之級殿後有石闌一層而寶城從左右上榜曰
定陵碑曰大明神宗顯皇帝之陵殿廡門為賊所焚樹

三
皇平山水記

定陵葬神宗範天合道哲肅敦簡光文章武安仁止孝
顯皇帝孝端貞恪莊惠仁明婉天毓聖顯皇后王氏孝
靖溫懿敬讓貞慈皇后王氏片城小志

葉向高謁定陵詩康衢何處不歌謠五十年來荷帝
堯泰運正當熙洽會乾坤獨攬聖明朝風傳天語來
三殿日麗宸章下九霄漫說深官娛晚歲憂勤睿慮
幾曾消定陵京氣鬱葱蕭蕭松栢起悲風長留日
月光元壤更借烟雲護寢宮彷彿翠華馳道裏淒涼
清蹕夢魂中傷心最是攀髯日猶有微臣抱帝弓蒼霞草

朱國祚謁定陵有感述乞歸自放潞河船息偃江湖

下
卷三十四

卷三十四

卷三十四

卷三十四

二十年社事句臚成夢寐重來弓劍莫攀緣要知孝
為慈闈盡誰道恩從貴戚偏猶記南宮封事入慈言
終似轉圜然自注國祥因請册立東宮劾及鄭國左
先皇不之罪終如所請 介石齋集

光宗貞皇帝陵曰慶陵在裕陵西南俗傳為景泰寤是
也先是景泰中建為壽宮英宗復辟景皇帝遂葬西山
之麓陵基遂虛光宗上賓既速倉卒不能擇地乃用此
為陵芹城小志

景皇帝臨御日自建壽陵尋毀之華泉集

邊貢過壽陵故址詩玉體今何所遺墟夕靄凝寶衣
銷野燐碧瓦蔓溝藤成戾崩年謚恭仁墓後稱千秋
同一毀不獨漢唐陵同上

虞淳熙景泰寤詩合沓衆山轉鴻溝界危厠貞松心
不移偃蓋覆神堂欲蛻龍為魚千古以慨慷土木骨
縱橫魂來關塞長君王奠齋足太史筮苞桑宗廟救
淪喪朱火寒有光迎駕誰何篤覆轍戒難忘豈無延
陵心重為亡國傷宮門一以奪羨門竟迷方碧瓦易
黃屋蓬顆西山傍杜宇啼舊堦藏鳥集野棠坤維幸
勿絕一窪得新藏靈表扶九宮何必徹陰房碧血障
胡塵芊芊白草芳高聯歌大招涕泗灑衣裳德園集
天啟元年禮部左侍郎署尚書事刷道登疏言昭陵舊
制禮恩殿正當龍砂之上形家謂龍砂不可損傷有謂
獻陵享殿亦在龍砂之外今營建規制原倣昭陵而斟酌
地勢兼參獻陵熹宗實錄

陵寢有後殿中殿前殿重門相隔有爲門之樞紐者曰銅管扇冶鑄甚艱舊例責內侍監造時因慶陵擇定九月初四日窳窳內侍以期太迫再四規避工部尚書劄臣萬燦董其事甫一月而功成慶陵工紀事

慶陵在天壽山西峯之右距獻陵西北一里自裕陵神路小石橋下分東北爲慶陵神路長二十餘步有橋一道一空制如獻陵平刻龍鳳殿柱飭以金蓮殿無後門殿後繚以垣門一道門北有橋三道皆一空其水自殿西下殿門西又有一小橋爲行者所繚殿北過橋有土岡自東而來至神路而止岡後周垣門三道如獻陵寶城東西而上至中復爲前道而入榜曰慶陵碑曰大明宗貞皇帝之陵殿門前及垣內樹五百株昌平山水

慶陵葬光宗崇天契道英睿恭純憲文景武淵仁懿孝貞皇帝孝元昭懿哲惠莊仁合天弼聖貞皇后郭氏孝和恭獻溫穆徽慈皇后王氏孝純淵靜慈肅皇后劉氏片城小志

上諭禮部朕惟慶源有自禮必隆于所生孝思永言施必繇於親始典闡教化義重葵論章憲俱存筆稱宜亟我聖妣貞靜賢妃芬降華宗躬膺令德徽音夙稟于女史婉懿早著于青蒲在昔皇考毓我弟昆蓋華萼共輝于蓮枝而碩復各勤于離衷我皇兄纂承祧之重旣篤于濬源逮眇躬荷世及之麻亦深于倦慕欲酬罔極宜備追崇正儷體之鴻稱舉遷祔之上典爾禮部其會官

詳議以聞於是尊謚聖母孝純淵靜慈肅毗天鍾聖
后祔塋慶陵崇禎遺錄

葉向高謁慶陵詩諒閣無語正憂冲令旨俄傳出禁
中催使總收歸大內軍儲先遣給遼東衣裳垂處乾
坤定閭闔開時雨露通功德史臣書未盡萬年長在
口碑中傷心何處叩天闈遙肅衣冠拜寢園地近長
陵浮王氣山環原廟儼微垣梧丘誰灑湘君淚杜宇
空悲望帝魂慚愧温綸當日下匡時無計答深恩蒼霞草

朱國祚恭謁慶陵作講幄頻趨鶴籞深重來就日慘
棠陰十年始受東朝冊一月真傾下土心視權盡收
中使節披沙能採卍人金最愁日曆書難旣龍去鳥

號涕不林枚卜纓宣三殿麻深宮遽晏五雲車翠微
色映長陵樹金粟堆開景帝窪北去重關遮鳥道西
來一水抱龍沙白浮村下園官近未夏雕盤已薦瓜

介石齋集

熹宗愍皇帝陵曰德陵在永陵之東北卽永陵之虎沙
也陵獨西向與昭定二陵相對旁有竇禹錫手植槐燕

都游覽志

德陵在潭子峪距永陵東北一里自永陵碑亭前分北
德陵神路陵西南向碑亭前有橋三道皆一空制如
陵平刻龍鳳殿柱飾以金蓮殿無後門榜曰德陵碑
曰大明熹宗愍皇帝之陵殿樓門亭俱黃瓦昌平山水

德陵塋熹宗達天闢道敦孝篤友章文襄武靖穆莊
愍皇帝 芹城小志

懿安皇后張氏性賢明魏璫誅倖朝士后聞楊左諸君子死色不豫者累月李自成入犯思陵將殉社稷傳旨後宮令自裁時周皇后及貴妃宮嬪之承寵者皆遵旨畢命獨長公主年尚幼未奉詔帝怒拔刃斫其臂公主仆地而宮監王永壽方從懿安皇后宮至白帝曰懿安皇后業縊死宮中矣帝乃走煤山自經當魏忠賢柄國時有養女任氏美而狡進之熹宗立為貴妃及賊入宮任偽曰我天啟皇帝后也賊不敢犯既而流轉民間或送于官永壽從旁竊窺之曰此任貴妃也貴妃睨永壽而發頰於閉口如不聞見者永壽終亦不敢置訐也永

壽事熹宗不入魏黨甲申寇亂後削髮為僧往來西山間談及故宮事輒語人云 菊隱紀聞

吳惟英長陵道中望德陵詩一望長陵路幾盤葱青
秀色馬頭看烟嵐掩映依元隧松檜逶迤擁翠巒梧
野乍含秋氣肅鼎湖遙帶夕陽寒神孫咫尺龍升處
惆悵臨風淚不乾 墨響齋集

典馬山有田貴妃墓南距西山口一里崇禎壬午妃薨
塋此遣工部左侍郎陳必謙等營建未畢而都城失守
賊以帝后梓宮至昌平州士民率錢募夫塋之田妃墓
內移田妃于右帝居中后居左以田妃之櫛為帝櫛斬
蓬藿而封之門外右為司禮太監王承恩墓以從死附
焉 昌平山水記

順天府昌平州署吏目事省祭官趙一桂爲開壙捐塋崇禎先帝及周皇后其歸田妃寢陵事恭照明陵坐當昌平州天壽山卑職於崇禎十七年正署州捕遺際都城陷沒故主縊崩至三月二十五日順天府僞官李紙票爲開壙事仰昌平州官吏卽動官銀僱夫速開田妃壙安塋崇禎先帝及周皇后梓宮四月初三日發引初四日下塋毋違時刻未便彼時州庫如洗監塋官禮部主事許作梅因塋主限迫亦再三躊躇卑職與好義之士孫繁祉白紳劉汝朴王政行等十人共捐錢三百四十千僱夫啟閉其壙中隧道長十三丈五尺濶一丈深三丈五尺督修四晝夜至初四日寅時始見壙宮石門用拐釘鑰匙推開頭層石門入內香殿三間陳設祭器中有石香案兩邊列五色綉緞侍從宮人生前所用器物衣服俱在大紅箱內盛貯中懸萬年燈二盞殿之東間石寢牀一座鋪設絨氈上疊被褥龍枕等件又開二層石門入內通長大殿九間石牀長如前式高一尺五寸濶一丈田妃棺槨卽居其上初四日申時後故主靈到卽停于祭棚內陳猪羊金銀紙劄祭品同衆舉哀祭奠下塋卑職親領夫役入壙宮內卽將田妃移于石牀之右次將周后安于石牀之左後請崇禎先帝之棺居于正中田妃塋于無事之時棺槨俱備監塋官與卑職見故主有棺無槨遂將田妃之槨移而用之三棺之前各設香案祭器卑職親手將萬年燈點起遂將二座石門關閉當時掩土地平尚未立塚至初六日率捐

上丁在開
墓鄉耆等祭奠號泣震天逾時方止卑職差人傳附
西山口地方撥夫百名各備掀掘筐擔昇上築完卑職
同生員孫繁社亦捐資五兩買磚修築周圍塚塋高五
尺有奇幸清朝定鼎特遣工部復將崇禎先帝陵寢修
建香殿三間羣塋一過使大明故主不致淪沒於荒郊
君后升遐猶享血食于後世雖三代開國不逾是也計
開劉汝朴錢六十千王汝朴錢五十千白紳錢三十千
徐魁錢三十千李六名錢五十千鄧科錢五十千趙永
健錢二十千劉應元錢二十千楊道錢二十千王政行
錢二十千蕭松錄

按思陵墓日仁和龔光祿佳育流寓昌平地
宮例日某帝之陵合以石版奉安梓宮之前

時倉卒不及礮石以輓代之朱書大明崇禎
皇帝之陵鈐之以鐵乃光祿所書也光祿嘗
爲予言壙始開入石門地甚濕其中衣被等
物多黧黑被止一面是錦繡餘皆以布長明
燈油僅二三寸缸底皆水其金銀器皆以鉛
銅克之當時中官破冒良可憾也

思陵碑亭南北四丈八尺東西如之宮門三距亭十一
步階三惟中門有棟宇廣二丈四尺修三丈饗殿距門
十三步階三無臺殿三楹廣七丈二尺修四丈二尺內
香案一青琉璃五器全設一神牌高二尺五寸石青地
雕籠邊以金泥之題曰大明欽天守道敏毅敦儉弘文
襄武體仁致孝莊烈愍皇帝中楹爲煖閣長榻六扇中

供木主三中則莊烈愍皇帝左則周后右則田妃外俱用積冒之周后神主題曰大明孝敬貞烈慈惠莊敏承天配聖端皇后田妃神主僅存恭懿二字餘被人磨去矣配殿三楹俱黑瓦殿前大杏樹一株靈寢門三距殿址四步穴墻爲門中廣二丈四尺修一丈二尺旁則戶矣明樓距門十一步不起樓階四中開一門左右夾牕二碑石廣一丈六尺修六尺雕龍方座高丈許題曰莊烈愍皇帝之陵石凡距樓十步長五尺博二尺几前石器五俱高八尺方式雕籠中一方龕與諸陵異皆列在地寶城距几甚近無城周廻用墻高六尺中以石灰起冢高四尺繚以短墻左松八株右松七株肅松錄甲申四月密雲副將張斌率所部兵至昌平城下繫血

書于矢射城中於是生員孫繁社同鄉官王廷授舉人楊春茂監生白紳生員楊應震毛應元鄉民白希顏等倡義斌于五月朔日攻城城中響應自卯至午與賊戰斬級百餘生擒賊一百二十名墜城死者無算奪騾馬六十匹隨于次日同赴長陵祭奠縛賊渠李道春周祥礫之以僞官劉愷澤等四人獻俘于崇禎皇帝陵墓之側亦礫之具文哭奠焉同上御馬監太監王承恩順天人大同告陷上命承恩提督京營內外軍務居督府之上三月十八日夜承恩執鎗隨駕奪門不得出還至萬歲山下從上對縊于中帽局而死王之心者舊司禮監掌印太監亦順天人甲申二月廷議助餉衆言之心富甚家藏銀三十萬時之心聞

住已久上即日召諭之之心以家計消乏為辭次日進銀一萬兩泊李自成入繫之搜掠銀十五萬餘以未足三十萬之數拷掠至死他書有言之心自殉者故詳其實附志于此又有言殉難為王之俊者益謬之俊於甲申冬同曹化淳共證偽太子事丁亥四月乘馬于道人猶見之傳說之譌如此甲申傳信錄

按思陵從死內臣有云王之臣者陳方策京師塘報是也有云王之俊者徐良光都門見閻小紀馮夢龍甲申紀聞暨燕都日記是也有云王之心者程源孤臣紀哭陳濟生再生紀畧李遜之三朝野史及闖賊犯北罪狀北變紀事等書是也其云王承恩者許自俊甲

乙彙畧劉尚友定思小紀吳邦策國諱忠姦實錄暨破夢間譚國變錄等書是也崇禎遺錄謂王之俊納銀于賊倖免夾死而王之心者縊死于家傳聞各異而

世祖章皇帝有諭祭王承恩墓文故采錢秀才士勳所記而附著所聞焉

長陵獻陵裕陵茂陵慶陵俱癸山丁向景陵永陵俱艮山坤向泰陵壬山丙向康陵辛山乙向昭陵乾山巽向定陵戊山辰向德陵甲山庚向思陵子山午向蕭松錄長陵有東西二井東井在德陵東南饅頭山之南西向西井在定陵西北東向並重門門三道殿三間西廡各三間綠瓦周垣會典言長陵十六妃從葬位號不具其

曰井者蓋不隧道而直下也自英宗止宮人從葬於是
如墓始名其在陵山內者昭陵之左九龍池南為蘇山
有萬貴妃之墓東向憲宗妃也又南為銀錢山有鄭貴
妃暨二李劉周四妃之墓南向神宗妃也又南為嶼兒
峪有四妃二太子墓中闈妃王妃左馬妃次左哀冲太
子右楊妃次右莊敬太子世宗妃太子也又南為悼陵
東南向孝潔皇后陳氏初謚悼靈葬此世廟崩遷永陵
而其封兆尚存旁有沈文虛三妃之墓至今猶曰悼陵
云東山口迤東有劉惠妃墓英宗妃也又東八里綿山
有斬獻王滕懷王墓仁宗子也凡陵及妃嬪諸王之墓
及上所御殿其外垣皆塗以紅土昌平山水記
十二陵各有宰牲亭祠祭署房神馬房果園神宮監

又各有衛領左右中前後五千戶所主率領軍士防護
陵寢其公署皆在州城同上

方新神宮監作神功倚陵麓虛曠自天開翠嶺鈞簾
入晴雲遶檻來三關凌朔漠萬井俯燕臺行望靈旗
動依稀玉輦廻定溪集

長陵果園在神仙洞北獻陵園在州南門外少西景陵
園在山北裕陵園在景陵園西茂陵園在大松園西泰
陵康陵園俱在大紅門永陵園在神仙洞前昭陵園在
西山口定陵園在州西門外御路西慶陵園在白浮村
德陵園在州西門迤南蕭松錄

長陵獻陵榛廠俱在渤海所景陵廠在韋村裕陵泰陵
廠俱在懷柔縣茂陵永陵昭陵定陵廠俱在密雲縣康

陵殿在紅川柳溝慶陵殿在平谷縣德陵殿在薊州

山同上凡祭清明中元冬至以太牢國初遣太子親王其後遣大臣行禮昌黎山水記

舊制以中元節祀陵往往遇雨河流汎漲每苦漂溺迨嘉靖十五年世宗始改定清明霜降二大祭著為令然後人無阻溺之憂燕都游覽志

唐制二月八日及生日忌日公卿朝拜諸陵又有忌日行香于京城宮觀至宋猶有宮觀行香之禮漢唐以來諸帝升遐宮人無子者悉遣詣山陵朝夕具盥櫛治衾枕事死如生本朝國忌上陵及內殿有祭無行香宮觀之禮諸陵惟中官灑掃不遣宮女皆前代所不及也穀

城山房筆塵

魏學禮大祀山陵賦萬曆庚辰歲皇帝將有事于山陵宗伯以故事請曰展陵視寢永昭孝思每帝嗣統則斯禮稱焉主上光紹鴻極八載于茲矣爰修禋典仰答神靈帝其念哉帝曰俞是惟朕衷厥俟典禮卜日考儀則秩宗其視厥載往欽哉乃以季春十有二日聖駕夙蹕兩宮聖母暨中宮皇后及諸嬪妃咸輿以從再越日肇稱祀典長承昭獻景裕茂泰康九陵及章皇后景皇帝陵厥明上奉兩慈宮以旋后妃從詰朝而還宮禮也臣伏睹曠儀思揚洪美惟昔何承天有上陵篇未足以極其致乃造斯賦以仰頌萬一云爾其辭曰皇明開天垂禩萬葉誕此神聖茂隆昌

業紹九帝以駿弘邁三代而光畢逮垂衣之八載將
展祀乎山陵思神靈之在天超埃壺而崇登峻皇臨
之巍峙實玉體之是憑悵儀刑之莫覲杼思而靡
勝于是命秩宗稽懿典詢太卜戒雲輦建行宮以待
莅兮運嘉木以經營覆善土以清路兮望馳道之允
平肅九門之環衛兮屬元侯之上卿拱淵穆之宸居
兮夾萬雉之朱城乃吉日之既屆兮鑿輿風以啟行
闕長安之左扉兮歷輔權與璣衡炳瑤暉于泰階兮
昭斗緯之清明蔚戈鋌之先導兮抗霞采之幢旌錯
五色以成章兮卷蜚颺而縱橫玉輅耀以晶麗兮儼
曲蓋之蔥蒨識鹵簿之威儀兮陽羲升而霧散兩宮
皇母暨厥后祀東華東安宛見翟輦彼羣嫗之捧乘

兮粲絲裾之菲菲紛翼侍之服御兮載瞻需而交綉
從官前行居守趨送駕次鞞華翩躑翠鳳旣侍膳于
慈闈朝昌平之羣衆詔奉車使馭蹕兮屯六師之如
雲虎旅集其警嚴兮刁斗遠其相聞厥明至于天壽
兮翠華弭于感思惟詰且以行祭兮詣長陵以停綏
御青袍以對越兮燎芳芬以焮吹列鼎俎與盥豆兮
獻桂酒以陳辭思雄武之御世兮極神謨之飛宕控
九宇以張弛兮齊弘功于肇創都燕甸以撫夏兮掃
沙漠之翠帳振長筭以詒後兮愷神明以開亮惟聖
智之建始兮繫繫祉之錫賚祭竟徹牲百官旣出更
設酒脯內祀靜謐兩宮中宮拜起齋栗聿愛敬之咸
盡昭內外之若一惟永昭之二陵實肅莊之元殿爰

自仁而率親亦如儀而躬薦獻景裕茂以及泰康章
后景帝奕葉重光八陵道遍親禋不遑乃遣官以代
祀僉禘文之是詳觀聖制之有奕兮循弘鬯之彝章
肆經緯乎天地兮亦符協乎陰陽式遄發以還闕兮
朝百辟于明堂衍宗祊千萬載兮享血食以孔長纘
祖德以恒思兮流祚慶于無疆荷天命之彌篤兮永
丕式于四方長林片葉

石珣天壽山詩銀峯翠壁峙諸孫嶽勢雄開祖宅尊
關塞正當山右臂風雷近接海西門龍過古澗多成
雨虎撼長松半出根隱隱五陵佳氣在欲攀弓劍泣
深恩熊峯集

屠應峻朝陵詩本朝宮寢居庸北百二河山枕上都

隧道陰陰連大漠金輿寂寂闕蓬壺天留碣石爲華
表水遶桑乾作鼎湖欲寫神功鐫嶧嶺窮嵬絕壁倚

天瓜蘭輝堂集

梁有譽謁陵眺望詩清秋霜露肅祠官帝里山川此
鬱盤上谷風塵通大漠居庸紫翠落層巒七陵松掩
金鋪暝萬壑鐘流玉殿寒香霧濛濛候靈蹕星辰還
仰太微看蘭汀存彙

環天壽山凡十口自大紅門東三里曰中山口又東北
六里曰東山口距州東門八里有樓南北二座三層又
北而西十里曰老君堂口距景陵北二里又西十五里
曰賢莊口距泰陵北五里又西三里曰灰嶺口又西南
十二里曰錐石口距康陵東北二里三口並有垣有水

口下舊聞
門又南十二里曰鴈子口距康陵西北三里又西南三里曰德勝口距九龍池四里有垣有水門又東南十里曰西山口距悼陵南二里有小紅門距州西門八里又東二里曰權子口距大紅門三里凡口皆有垣陵後通黃花城 昌平山水記

日下舊聞卷三十四終

日下舊聞卷三十四補遺

京畿十

永陵成世宗登陽翠嶺顧謂工部臣曰朕陵如是止乎部臣倉皇對曰外尚有周垣未作乃築垣諸陵所無也後定陵效之 北游紀方

崇禎十五年七月癸未皇貴妃田氏薨輟朝三日十七年正月壬子葬皇貴妃田氏 國權

思陵旣殉社稷福藩在金陵上尊謚曰思宗紹天釋道剛明恪恭揆文奮武敦仁茂孝烈皇帝尋又改謚毅宗唐藩在闕又改謚威宗至本朝初謚曰懷宗端皇帝後乃更謚曰莊烈愍皇帝 白頭閒話

思陵神牌高二尺五寸石青地雕龍金字書大明欽天

守道敏毅敦儉弘文襄武體仁致孝莊烈愍皇帝其神
主則書大明懷宗欽天守道敏毅敦儉弘文襄武體仁
致孝莊烈端皇帝神主之左為周后主上書大明孝敬
貞烈慈惠莊敏承天配聖端皇后右為田妃主上書恭
淑端慧靜懷皇貴妃主俱長不滿尺白檀冒之 北游紀

櫺星門北五空橋南山坡號蘆殿坡當時祭陵以蘆席
作殿以息羣工執事者 同上

諸陵神宮監軍巡山軍巡邏軍夜不收軍黃土軍行宮
軍天橋軍圪坎軍木戶軍御馬監軍御女軍朝房看料
軍金錢山軍并悼陵軍李貴妃墳軍共六千二百四名
兩朝從信錄

天壽諸陵相傳夜分時有神燈出宮娥引駕以行神宮
監多望見之虞吏部淳熙詩云香烟遙接白雲平原上
金燈夜夜明山鬼蘿衣挽秋駕青冥有路不教行蓋紀
其事也 黃圖雜志

蔣山後龍母莊東一里有竇禹錫植槐空腹中可設案
羅坐八人 翠微志

竇氏植槐在景陵瓜園中順治四年伐去燕都游覽志
謂在德陵旁者非也 北游紀方

秦陵金井內水孔如巨杯水仰歎不止楊名父親見之
歸而疏諸朝請易地事下工部湯陰李司空鏃怒其多
言害成功陰令人塞其孔以誹謗狂妄奏命錦衣官校
押名父赴陵所驗看名父身親二木朝辭賦詩云禁鼓

無聲曉色遲午門西畔立多時楚人抱璞云何泣杞國
憂天竟是癡群議已公須首實眾言不發但心知殷勤
爲問山陵使誰與朝廷決大疑其志亦可憐矣孝廟聖
體竟葬此中言之可爲寒心李司空居官風采凜凜晚
年尤剛勁不阿獨此一事不愜人意無用閒談
大陵寶城八十一丈外加方墻圍護特異諸陵朱文懿
公奏議

大峪山壽宮寶城左至龍山脚下澗溝計四十丈五尺
右至西井界域計四十丈五尺總計八十一丈同上

明諸陵犯前代陵名者匪一太祖曰孝陵與後周武帝
同也成祖曰長陵與漢高祖魏孝文帝同也仁宗曰獻
陵與唐高祖金穆宗同也宣宗曰景陵與魏宣武帝唐

憲宗金睿宗同也英宗曰裕陵與金顯宗同也憲宗曰
茂陵與漢武帝同也孝宗曰泰陵與唐元宗金肅宗同
也武宗曰康陵與漢平帝東漢殤帝後晉睿祖宋順祖
南漢劉龔同也世宗曰永陵與南唐徐知誥蜀王建金
世祖同也穆宗曰昭陵與後周明帝唐太宗南漢劉晟
同也神宗曰定陵與孫吳景帝魏孝明帝後周宣帝唐
中宗宋翼祖金景祖同也光宗曰慶陵與唐元昭后後
唐德祖後周世宗遼聖宗與宗道宗同也熹宗曰德陵
與南漢劉隱金宣宗同也莊烈愍皇帝曰思陵與金熙
宗同也又興獻帝曰顯陵與前涼張重華後晉高祖遼
世宗義宗同也昔宗徽宗梓宮從北還宰臣上凌名曰
永固王性之以犯後魏明帝後周文宣二后陵名高宗

特下秘書省叅攷蓋陵名相犯前代固多不避然使不
同舊稱亦存乎考禮之臣多學博識爾表杼 僕叢說

長陵祠祭署建于神宮監之南中爲公座右小房前
爲署門永樂七年建獻陵祠祭署建于宰牲亭左中爲
公座右楹爲官舍前爲門洪熙元年建景陵祠祭署
建于宰牲亭右中爲公座後爲官舍前爲門宣德十年
建裕陵祠祭署建于宰牲亭左中爲公座右楹爲官
舍前爲門天順八年建茂陵祠祭署建于宰牲亭左制
如裕陵成化二十三年建泰陵祠祭署建于宰牲亭左
制如裕陵弘治十八年建康陵祠祭署建于宰牲亭左
中爲公座後爲官舍前爲門正德十六年建永陵祠祭
署建于宰牲亭左制如康陵嘉靖十五年建定陵祠

署建于宰牲亭左制如昭陵萬曆十一年建慶陵祠祭

署建于本陵橋南向東制如定陵天啟元年建德陵祠

祭署建于宰牲亭左制如永陵崇禎元年建太常記

銀錢山在昭陵之西去九龍池五里萬曆二十五年三

月敬妃李氏薨進封皇貴妃謚曰恭順榮莊端靖擇地

萬貴妃墳之右悼靈墳之左葬焉國朝山陵考

嘉靖十七年二月上躬行春祭禮乃改陵殿曰祫恩殿

門曰祫恩門同上

崇禎十五年七月皇貴妃田氏薨加謚冊文曰桂殿承

芳輝冠三星之首蘭宮隕秀禮崇六列之先惟昭德于

生前宜隆恩于身後爾皇貴妃田氏生有令質早晉榮

封麟趾鍾祥式振衍繩之慶雞鳴效警時襄宵旰之勤

淑譽方宣遺芳遽掩望帷如在悲空結于璫華辭輦猶聞名應高于彤管欲章懿範宜有褒旌爰稽素履謚為文獻端慈靜懷皇貴妃靈其有知尚歆寵渥

山書

崇獻十五平水

門曰慈恩門

萬貴賦贊

民姓賦李

賦趁山

祭署

署



日下舊聞卷三十五

京畿十一 順義 密 懷柔

順義縣在州東北六十里 明 統志

縣在州東南九十里 昌平山水記

幽州東北三十里有望京館東行少北十里餘出古長

城又二十里至中頓又踰侯河行二十里至順州 夢

溪筆談

幽州東北至順州八十里 通典

順州至燕京一百十五里 全人疆域圖

秦為上谷郡地 太平寰宇記

漢為上垠縣東二十里為狐奴縣西三十里為軍都縣

順義縣志

按兩漢上垠屬右北平郡當在今豐潤境內而縣則漢漁陽郡狐奴地也

北齊始置歸德縣屬燕郡後周廢唐開元中移燕州于此仍置遼西縣為州治方輿紀要

開元二十五年徙燕州治于幽州北桃谷山唐書

按此為幽都縣治

歸順州天寶元年改為歸化郡乾元元年復為歸順州太平寰宇記

唐末為順州遼史

遼曰順州歸寧軍又改歸化軍方輿紀要

宋宣和四年金人以州來歸賜郡名曰順興宋史

金仍曰順州方輿紀要

縣二溫陽密雲金史

元廢縣存州元史

明洪武二年降為順義縣清類天文分野之書

初屬順天府正德八年始屬昌平州方輿紀要

按明一統志順州之名始自隋然考之隋書

粟末靺鞨渠長度地稽內附止云居之柳城

而已寰宇記云大業八年為置遼西郡以統

之亦未有隋置順州之文也唐貞觀四年平

突厥乃以其部落置順祐化長四州都督府

于幽靈之境其時順州偏治營州南五柳戍

後又僑治幽州城中寰宇記順州四至八到

與范陽同東北至幽州一百二十里則順州

乃在幽州之南與今之順義初不相蒙矣至
于開元中徙燕州于桃谷山蓋今縣地然仍
曰燕州繼為朱滔所滅因廢為幽都縣終唐
之世亦未嘗以順州稱也直至梁乾化三年
晉周德威拔燕順州地以順州名見此而五
代史職方考後唐百二十三州順州始在
其列此紀地志者所當考也

又按唐書羈縻州一曰順州順義郡一曰歸
順州歸化郡一以處突厥一以處契丹寰宇
記歸順州南至幽州八十里北至檀州七十
五里東至薊州一百一十五里西至媯州二
百里今之順義縣本歸順州歸化郡而非順

州順義郡也

城縱橫四里南昂北俯又東北突出一隅肩臂四折入
于河濱宛如龜背形周圍一千一百三十五丈九尺連
堞高二丈五尺濠塹四周深一丈五尺其門南曰迎恩
東曰平秩西曰晴嵐北曰疊翠縣志

前代州治為小城方二里許四隅角樓遺跡尚存至元
二年節度使劉瑜建大廳并長廊二十八年知州大興
王居政于廳左右構捕盜所吏目幕次復構架閣庫祇
候直舍大德七年知州鉅野段廷珪作後廨并東西房
皇慶初知州大興梁彥義起儀門高三丈餘翰林學士
清河元明善為之記其驛館至元十八年州倅李讓勗
焉梁宜順州公廨記

元明善順州儀門記古者諸侯三門臯門應門路門
今之州準古伯子男之國作儀門禮也溫榆水之陽
有古城焉曰順州隸大都路地沃而民淳國家罷兵
百年涵濡撫育生殖日繁蔚為饒郡郡城據亢爽地
郡廨特當其亢亢有故儀門址至大四年知州事梁
君彥義始來明年百廢次第舉民用大和廼謀諸監
郡將建岑樓于址僉曰休哉民皆子趨以獻工肇事
于皇慶元年秋七月畢工于二年夏六月登其上北
望則紅螺峻極雖五十里外若接闌檻東北曰黍谷
鄒衍吹律之山也潮潞二水會于白淑經城東而南
注吳船來集通元橋下其西南則天都霄漢瓠稜金
爵隱然懋心佳氣之間群情大悅咸曰是不可不著

典建之歲月予太史也書必稽諸典禮俾知今之州
準古諸侯之國不為不重興作制備而從民志則太
史喜為之書清河集

順義學在縣治西洪武八年重建明一統志

元梁宜順州廟學記宣聖廟未詳建于何代金明昌
初提刑萊州劉仲洙降漕司錢五百千同知州事著
作郎狀元夾谷中孚繼出俸金鄉進士馬湘寶鳴道
相與翼佐營葺殿廡肖御史中丞孫郎康所寄曲阜
石本聖賢像俾繪塑之鑿井於圃廩給生徒欲構講
室未克見泰和元年秘書少監李賜重修記聖元南
牧遂毀于兵獨禮殿存焉四無垣墉鞠為牧場郡人
中書右丞贈平章事順國宣靖曹公庭瑞以廟學久

廢爲慮迨至元辛未知州郭幹繕殿之摧漏起東西
兩廡殿後隘無數尺宣靖公懇寺僧高其價得袤五
丈廣倍之知州故福建道宣慰司都元帥段廷珪增
塑鄒完二公貌七十子更爲明倫堂泰定甲子宣靖
公之子工部尙書備念繼先志發私帑楮幣而甲匠
提舉司達魯花赤郭伯達耆士蒲察晉柴惟允共贊
之剏神門左右齋學椽居室賓幕庖庫靡不全備仍
斃巨井丙寅達魯花赤今監察御史托刺台知州王
汝楫以其前阻隘巷乃市地南撤東西通達上作櫺
星門由是行道之人莫不嘆美丁卯工部公於江浙
造銅禮噐二百三十事復購經史若干卷宜守是州
刊加封大成詔圖十儒像益弟子員割錢千緡規息
以資朔望祭物但關於祀事教典者悉皆告完

營州左屯衛在縣治東 明一統志

衛本屬大寧永樂元年移于此領左右中前後五千戶

所 昌平山水記 順義縣有井一日三溢海潮則大溢相傳源與海通民

疏其水爲渠灌田百畝號曰聖井 燕山叢錄
城內四達之中有白石幢下方上銳每方廣二丈高三
尺又上重之八角各高二尺餘刻獅象海馬之形又上
爲十二闌干爲千葉蓮花座又上漸狹漸圓中石心一
圓刻佛像千尊外石柱六各盤螭虎四距又上竹節小
椀可三尺餘又上荷葉寶蓋二尺餘四門城樓僅與幢

基趾平遙望之層層如雲中磨蓋也 昌平山水記
開元寺有唐大曆五年試太子洗馬鄭宣力撰碑 秋澗集

締興寺在縣治西南洪武八年建 明一統志

遼聖宗統和十二年十二月獵于順州西甸 遼史游幸表

王晦字子明澤州高平人貞祐初爲戶部郎中以部兵守順州時通州圍急晦攻牛關山以解通州之圍遷翰林侍讀學士及順州受兵晦誓死不去將士繼城出降被執不屈以死謂其愛將牛斗曰若能死乎曰斗蒙公見知安忍獨生并見殺贈榮祿大夫樞密副使命有司立碑歲時致祭錄其子汝霖爲筆硯承奉 金史

福山在縣南五里 縣舊志

孔山在縣南 明一統志

道人谿水南流逕孔山西上有洞穴開明故土俗以孔山稱 水經注

龍山在縣南二十里下有龍泉 明一統志

縣北二十里爲牛欄山山上有洞俗傳有金牛出焉至今洞前石壁爲小槽形名曰飲牛池山北里許有小山昔有仙人騎牛來遊因名靈蹟山宋王曾上契丹事曰順州至檀州漸入山牛欄當其要路也山之東麓潮白二河合焉有龍王廟山之東南爲漕河營有城二門把總一人守之 昌平山水記

遼置牛欄都統領司 遼史百官志

牛欄山本朝改名順義山 明一統志

牛欄山與狐奴山相望其第三峰腰帶間一洞相傳曾有金牛出食禾稼田畷逐之遁入洞穴有投以甌石者輒聞水聲或以物擲之良久白山傍白河浮出其北里許靈蹟山二山一脉前山石身負土後山上身戴石前大一小行人總以牛欄名 長安客話

呼奴山亦名狐奴山 明一統志

縣東北二十五里為狐奴山水經注水不流曰奴蓋以山前瀦澤名也其北麓烏道而上里許漸濶漸平有寺寺後有小石城山下有龍潭今澗山西南百步有漢狐奴縣址魏文帝黃初二年省 昌平山水記

狐奴縣舊城在縣東北三十里狐奴山西麓 縣志

王梁為郡吏太守彭寵以梁守狐奴令 後漢書本傳

上谷太守任興欲誅赤沙烏桓烏桓怨恨謀反詔鄧訓將黎陽營兵屯狐奴以防其變訓撫接邊民為幽部所歸 後漢書本傳

沽水西有流逕狐奴山西又南逕狐奴縣故城西漁陽太守張堪於縣開稻田教民植種百姓得以殷富童謠歌曰桑無附枝麥穗兩岐張君為政樂不可支視事八年匈奴不敢犯塞狐奴王莽之舉符也 水經注

呼奴山白雲觀有元大德八年集賢學士宋渤碑 涿水亭雜識

宋渤白雲觀記畧真人張霞卿弟子張道寬居順州之呼奴山白雲道觀能以符水救人大丞相東平王

嘗有瘍生體中醫藥罔效道寬治以符水遂愈王爲之構觀云

順州北有銀冶山元混一方輿勝覽

順州東北過白巽河北望銀冶山王沂公上笑丹集

縣西北三十里有石槽三日東石槽南石槽北石槽元

史上都兵入古北口其知樞密院事竹溫台以兵掠石

槽是也昌平山水記

史山在縣西北三十五里山石戴土高百餘丈狀如眠

弓南望京師城闕金碧眩目寺宇皆唐時建名勝志

桃山在縣西北三十五里舊唐書謂之桃谷山山有五

峯如桃花瓣巨石錯落橫亘數畝元致和初上都兵入

古北口留重兵屯燕樂城以輕騎進抵桃山燕帖木兒

掩擊之于白狼河追至桃山降其衆燕樂聞之遂潰白

狼河卽白河也一云白狼河在縣西北三十里方輿紀

要

曹王山曹操常駐軍于此遼史

順州山中有異獸如馬而食虎豹契丹不知其名以問

劉徹徹曰此所謂駮也爲言其形狀聲音皆如所見人

歎其博物東都事畧

溫餘河卽昌平之榆河下流爲沙河入順義西南界下

至通州入潞河順義謂之西河金人名縣曰溫陽以此

遼史作溫榆河本水經注之濕餘河以字相似而譌也

昌平山水記

縣西南二十里有天柱村三十里有薈溝村村東臨溫

餘河渡渡南有長城遺蹟遼史順州南有齊長城城東
北有華林天柱二莊遼建涼殿春賞花夏納涼者也齊
長城天保中所築沈括曰幽州東北三十里有望京館
東行少北十里餘出古長城即此同上
縣西三十里有燕王家或曰水經注所謂濕餘河在燕
王陵南者也同上

安樂故城漢縣廢城在今潞縣西北太平寰宇記

通州西北安樂城漢漁陽郡屬縣晉屬燕國北魏太平
真君七年廢入潞縣方輿紀要

濕管水東南流逕安樂故城西更始使謁者韓鴻北徇
承制拜吳漢爲安樂令即此城也水經注

沽水南逕安樂縣故城東晉書地道記曰晉封劉禪爲

公國俗謂之西潞水也同上

晉穆帝永和六年二月燕王篤使慕容霸將兵伐趙霸
軍至三陘趙征東將軍鄧恒惶怖焚倉庫棄安樂遁去
與幽州刺史王午共保薊徙河南部都尉孫泳急入安
樂撲滅餘火籍其穀帛霸收安樂北平兵糧與篤會臨
樂通鑑

後魏安樂郡故城在縣西北六里延和元年置交州太
平真君二年罷州置郡領縣二土垠安市北齊廢土垠
入安市後周廢安市入密雲隋開皇初郡廢今爲安樂
莊水渠開撥給良牧署昌平山水記

土垠晉宋爲易京城後魏廢易京爲安樂郡今州北負
郭猶名安樂村州公解記

唐南河縣故城在縣東南二十五里而軍都縣故城在縣西三十里蓋軍都之別徙者也

昌平山水記

白河經靈蹟山黃花鎮川河入焉又南經牛欄山東麓

方輿紀要

皇甫冲順義行鄰有順義人告我庚戌事八月月生
魄道傳俺達至朝聞古北屯暮見遼陽騎李生正下
帷奮激報守吏守吏不敢言雙目但直視馳馬歸赴
敵城門忽已閉登城望家室膏血乃塗地里開盡焚
燒妻孥身首與李生按劍怒背裂聲色厲詎借中山
羨甘心河東棄惜哉無一兵不能為之計乃有陳使
君挺身獨不避下令開四門彎弓揮兩幟左書報仇
文右寫勤王字當門據胡狀潛軍弛銜轡李生與之

俱不覺增勇氣敵兵來覘窺一矢兩將殪敵驚辭齒
奔倉皇解圍去城邑不破殘凡以二子庇功高主不
知事往名亦墜李廣豈數奇耿恭終棄置斯理自古
然况乃居今世請君勿復言此事猶為細

華陽集

密雲縣在州東北一百二十里

明一統志

漢白檀縣地屬漁陽郡

方輿紀要

檀州密雲縣即漢庠奚縣舊治

續通典

後漢以居斤奚

遼史

白檀縣即古北平

續漢書

後魏皇始二年置密雲郡治提攜城領白檀要陽密雲
縣

昌平山水記

魏兼置安州後齊廢郡及二縣入密雲又廢安樂郡之

土垠入安市隋書

後周以安樂郡安市縣并入密雲改安州為元州隋開

皇初徙元州于漁陽十六年又割幽州燕樂密雲二縣

于舊元州置檀州大業三年州罷為安樂郡唐武德元

年仍改檀州清類天文分野之書

以斯地燕之邊陲管障塞軍五千開元十道要畧

萬歲通天元年置漢陽軍開元十九年更威武軍又有

鎮遠軍故黑城川也有三叉城橫山城米城有大王北

來保要鹿固赤城邀鹵石子航七鎮有臨河黃崖二戍

唐書

天寶元年改為密雲郡乾元元年復為檀州太平寰宇

記

不晉以貽契丹宋史

遼為檀州武威軍領密雲行唐二縣昌平白水記

乾亨二年十二月如蒲瑰坂獵于檀州之南遼史

太平五年八月獵于檀州北山射兔于平川同上

宋宣和四年金人以州來歸賜郡名曰橫山升鎮遠軍

節度七年金人復破之宋史

金廢州以縣屬順州後復為檀州以密雲縣并入方輿

紀要

木甲法心薊州猛安人貞祐二年為提控與同知順州

軍州事溫廸罕咬查刺俱守密雲縣法心家屬在薊州

元兵得之以示法心曰若速降當以付汝否則殺之法

心曰吾事本朝受厚恩戰則速戰終不能降也豈以家

日下舊聞

卷三十五

十一

人死生為計耶城破死于陣咬查刺被執亦不屈而死

詔贈恣心開府儀同三司樞密副使封宿國公咬查刺

鎮國上將軍順州刺史命樹碑以時致祭金史忠義傳

元屬大都路清類天文分野之書

明改州為密雲縣屬順天府正德中改昌平州屬方輿

紀要

舊城創于洪武年設三門週圍九里十三步新城

萬曆四年在舊城之東設三門週圍一千一百七十九

丈縣志

縣為薊遼總督所駐名勝志

新舊城兩端相連總督府在昌平山水記

縣治在鼓樓西萬曆二年建縣學在鼓樓東唐貞觀

十二年漁陽刺史常弘機創建金季兵燹元至元二十

八年知州楊璉重修至正六年知州聶守節擴地增修

明洪武十一年知縣唐忠重修縣志

唐顯慶中常弘機為檀州刺史以邊人陋僻不知文儒

貴乃修學宮畫孔子七十二子漢晉名儒像自為贊敦

勸生徒由是大化唐書

元王思誠重修檀州文廟碑記檀州漢為邊郡今畿

內近地州舊有孔子廟燬於金季兵至二十八年

知州楊璉等割俸繕卽州治東市民宅重構殿宇為

堂三楹兩廡四楹以棲聖賢迄今五十載寢至傾圮

至元六年太原叢侯字用之由行唐尹管巡院使來

守是州拜謁祠下顧瞻荒陋慨然以修復自任退而

謀諸監州買住及同知伯顏判官崔克敬共割俸鈔
爲衆倡州中有好義者翕然出資以助於是斬木於
山陶甃於河鳩工不日悉撤其故堂崇其基宏其度
爲殿三楹葺兩廡增其楹爲六創神庖若大成門重
門齋舍仍以故堂廢材又爲築講堂及教官宅碑樓
共十三楹繪塑一新金碧晃耀視昔爲有加矣侯之
致力不惟是州爲然其在行唐亦新三皇孔子廟及
醫學儒學憲使李永魯雕刻詩於石以頌其德檀學
之興經營於三年之仲春再越期而落成集賢學士
揭侯斯監察御史崔帖木兒普化扁額於殿堂之上
揭侯又欲勒石以紀歲月命學正宋文佐以文爲請
遂爲書其始末系以詩曰白檀之區昔爲邊隅厥俗

於荒罔習於儒今爲內甸密邇神都郡鬻攸設文教
斯敷明明聶侯說禮敦書睠茲孔廟湫隘庠踈乃卽
同官載詢載謀悉撤其故恢宏其模完厥益新輪如
煥如泐庭殖殖遂宇渠渠有宅其師有庇其徒巍巍
聖道洋洋嘉謨允迪惟哲罔念則愚嗟嗟士子惜此
居諸學古入官復厥生初作與時偕身與道俱此惟
聶侯德化之濡在漢文翁異世同符太史作頌以永
厥譽爰告後政勉循令圖

龍慶倉在密雲縣

四鎮三關志

密雲中衛領左右中前四千戶所與縣同城而居

昌平

山水記

衛在縣治東洪武二年建

明一統志

白檀書院在縣治東南密雲兵備濟南王見賓建館之
東曰秋實西曰春華其前為堂稍進為亭庖福悉具羅
列花石于庭又建社學齋房以訓童子

縣志

慶峰觀在縣治南元建洪武十六年重修

同上

龍興寺在縣治北唐建太安中重修

明一統志

龍興寺元大德丁酉重修明成化十七年嘉靖元年又

修俗名錐塔寺

縣志

縣故有大悲庵嘉靖戊子御史王大用為赤肚子展居
室改題曰棲真院大學士夏言更題其門曰了師庵

同上

赤肚子不知何許人正德辛未入密雲城入豕圈與豕
同眠無穢氣人皆異之後徙學宮傍又徙滕家巷居民

簷下壘磚

井距中以足頂尾兩拳握六指不放如

勾問之則不言與之食則食不食葷酒不多食過午則
不食與之衣則裂之避之與之貨則給僧以誦經赤身
朋首覆以片氈祁寒盛暑勿侵也居民市鬻者與之輒
多利競致之入人寢室如其家不避婦女有戲之者亦
躍足昂首嘻然而笑置囚囹中數日不食亦不死許內
臣為繪象京師及四方好事者俱呼以仙嘉靖壬辰春
夏大旱居民強令祈雨凡八日不食至五月十二日雨
乃食十三日又雨人益異之

赤肚子傳

白檀廢縣在縣南漢置以縣有白檀山而名後漢廢建
安中曹操歷白檀破烏桓于柳城即白檀故城也

方輿

紀要

濡河東出峽入安州界東南流逕漁陽白檀縣故城地理志曰澇水出縣北蠻中漢景帝詔李廣曰將軍其帥師東轅弭節白檀者也水經注

要陽廢縣在縣東南六十里漢縣漁陽都尉治此方輿紀要

蓋延漁陽要陽人後漢書

要水出塞外三川並導謂之大要水東南流逕要陽縣故城東本都尉治王莽更之曰要術矣水經注

後漢廢要陽後魏復置屬密雲郡北齊廢方輿紀要

庠奚廢縣在縣東南漢置屬漁陽郡同上

鮑丘水又南逕僂溪縣故城東王莽更之曰敦德也水經注

後漢曰僂奚縣晉廢魏書志皇始二年置密雲郡初治提攜城卽庠夷之譌也方輿紀要

方城廢縣在縣東北魏主燾以方城并入密雲方城蓋慕容燕所置縣魏主宏於皇興二年置安州治故方城同上

天平中陷元象中寄治幽州北界魏書

普泰初復置方城縣屬廣陽郡蓋卽舊城置北齊廢方輿紀要

安樂郡舊置安州後周改爲元州開皇十六年州徙尋置檀州隋書

安市廢縣在縣東北五十里漢遼東屬縣後魏僑置于此太武帝延和初置交州治焉太平真君二年改置安

樂郡兼領土垠縣

方輿紀要

後齊廢土垠入安市後周廢安市入密雲縣

隋書

燕樂廢縣在縣東北八十里漢庠奚縣地後魏延和九

年置燕樂縣又僑置益州于此太平真君九年改廣陽

郡北齊郡廢以廣興方城二縣并入隋大業初置安樂

郡治焉唐初邳廢仍為燕樂縣屬檀州亦謂之廣陽城

寶應二年史朝義敗走廣陽廣陽不受即此

方輿紀要

燕樂縣初治白檀城長壽二年移治新興城

舊唐書

梁乾化三年晉將周德威伐燕劉守光奔燕樂被禽縣

尋廢

方輿紀要

地輿

燕樂漢庠奚縣地五代時廢為燕莊其地平曠可屯

續

元至和初上都兵入古北口留重兵于燕樂

方輿紀要

行唐廢縣亦在縣東本定州屬縣

同上

遼太祖掠定州破行唐盡驅其民北至檀州擇曠土居

之凡置十砦仍名行唐縣

遼史

密雲驛在舊城南門外洪武十二年建

縣志

獲野館在舊城西門外五里萬曆二年建

同上

祐國寺在縣南十里至元八年建

同上

密雲山不出泉惟縣南十里山麓有二泉相踰僅數尺

滙為一流稱聖水泉山亦因以名泉上有初月亭

長安

客話

密雲山在縣南一十五里

明一統志

密雲山一名橫山郡所以名也

昌平山水記

日下舊聞

卷三十五

六

慕容皝以段遼屢為邊患遣將軍宋回稱藩于石季龍請師討遼季龍總眾而至及徐無遼奔密雲山季龍進入令支怒皝之不會師也進軍擊之皝遣子恪率騎二千晨出季龍諸軍驚擾棄甲而遁段遼遣使詐降于季龍請兵應接季龍遣將麻秋率眾迎遼恪伏精騎七千於密雲山大敗之獲其司馬陽裕將軍鮮于亮擁段遼及其部眾以歸晉書

段遼為石虎所敗奔平岡山晉紀

山近漢平岡縣界唐置橫山城為守禦處蓋置于山下方輿紀要

漁陽城在縣南十八里秦郡治此二世發閭左戍漁陽即此城也同上

縣南二十里為白檀山漢所以名縣也昌平山水記

密雲有隗山唐書

山在縣南三十里方輿紀要

山下即密雲故縣縣志

天門山在縣南三十里下有天門寺同上

梯子嶺在縣東南十五里同上

香巖寺在縣東二十五里元至正年建內有鴨脚子一株俗名白果寺同上

渤海泉在縣東三十里泉涌如珠時有雲氣若有清修寺唐建成化間修谷壽寺在縣東三十里元建同上

龍門山在縣東六十里有黃崖洞懸泉如瀑布方輿紀

龍門山在縣東六十里有黃崖洞懸泉如瀑布方輿紀

縣東有地名驚羅山崖間有石門二扇然不可開聽之內有潺湲水聲

長安客話

清都觀在縣西北十里大安二年羽士杜宗道建至元中改洞真宮洪武二十四年置道錄司

縣志

鳳山在縣西北十五里下有石佛寺元建

同上

縣北有仙洞其深莫測內有天然石佛五軀又有五色石竦坂如筍洞口有橋人顧其下深險不敢渡

燕山叢錄

黑城川在縣北四十里平頂山後唐之鎮遠軍也

縣志

霞峰觀在縣北四十里元道士魏志和建延祐五年周道昌重修

同上

王道亭霞峰觀記檀州北有水谷出乾維山谷間與

白水合中有霞峰觀國初李尊師結庵此地弟子魏志和史志端李道純力事營造已又得楊道勉劉道本共成之

李志寧霞峰觀記白檀山北曰水谷袁延峰嶺林木森秀有宗師霍道隆於延祐二年棲隱其間建道院一區既而道友王弘道協謀經營堂宇炳煥一新焉

大峪錐山在縣北

方輿紀要

至元十三年霧靈山伐木官劉式言檀州大峪錐山出鐵鑛有司視之尋立四冶

元史五行志

至元二十五年九月罷檀州淘金戶

元史世祖紀

九莊嶺在縣北三十里

方輿紀要

卷三十五

鮑丘水出禦夷北塞中南流逕九莊嶺東俗謂之大榆河水經注

唐張守珪之鎮范陽檀州密雲令有女年十七姿色絕人女病踰年醫不愈密雲北山中有道者衣黃衣在山數百年稱有道術令自至山請之道人既至與之方女病立已令喜厚其貨財居月餘女夜臥有人與之寢而私焉其人每至女則昏魘及明人去女復如常如是數夕女懼告母母以告令乃移牀近已夜而伺之覺牀動掩焉擒一人遽命燈至乃北山道者令縛而訊之道者泣曰吾命當終被惑乃爾吾居北山六百餘載未嘗到人間吾今垂千歲矣昨蒙君殷勤所以到縣及見公女意大悅之自抑不可於是往來吾有道術常晝夜能隱

其形所以家人不見今遇此厄夫復何言令竟殺之牛氏紀聞

縣東北八里為冶山上有塔有石洞深邃水四時不竭東有卍洞昔人淘金址尚存昌平山水記

冶山上寺冶山下寺遼重熙八年建縣志崇福寺在縣東北十里栗園莊元至正年建明嘉靖年重修同上

金溝館在縣東北四十五里亦謂之金溝淀方輿紀要

檀州五十里至金溝館將至館川原平曠謂之金溝淀國主嘗於此過冬自此入山詰曲登陟無復里埃但以馬行記日約其里數王沂公上契丹事

密雲東北五十里曰共城是舜流共工之地名山藏

共城在檀州燕樂縣界

括地志

大安寺在縣東北五十里舊名白猿院北齊天保五年

建金承安四年重修

縣志

三教寺在青洞山下又有臥佛寺唐建嘉靖中重修

同上

清都觀在清都山距縣東北五十里

同上

香陘山上悉生豪木香世故名焉

水經注

縣東北六十里為石匣城石匣東南渡潮河十五里為

石盆谷有龍潭潭上石如盆形水懸崖而下入于潭潭

外為盆水從潭面歷盆抵峽而下數里入于潮河有龍

宅焉其深無底潭中有石門水淺則見土人曰龍所從

出入也上有廟距縣東北五十里

昌平山水記

道人溪在縣東北源發龍門流經縣界入于潮河

水經注

紀費

密雲有太古墓園十餘里高與山等昔人欲發之將及

墓門有羣蜂飛出螫人遂不敢入相傳以為契丹太后

所葬

燕山叢錄

密雲運道即白河上流運密雲官軍餉者也嘉靖三十

四年自密雲城西楊家莊地方築塞新口疏通舊道令

白河與潮河合流至牛關山水勢甚大故通州漕糧得

抵密雲城下

水部備考

密雲河本白河上流自牛關山而下與潮河交會初薊

遼總督駐密雲從通州至牛關山以車轉餉勞費特甚

嘉靖中總督劉燾發卒濬潮河川水達通州用小舟轉

粟直抵密鎮矣

吳文恪公集

末樂十五年十一月金水河太液池水凝結眾像態狀奇巧其時密雲亦獻瑞冰如水晶含玉者凡七與金水河所結無異

泊庵集

懷柔縣在州東北一百里

明一統志

懷柔縣其地乃燕之北境太子丹使荆卿獻地圖蓋謂此地

太平寰宇記

唐貞觀六年置懷柔縣治五柳城改順義縣開元四年置松漠府彈汗州天寶元年改歸化郡乾元元年復今名

遼史

金明昌六年改爲溫陽縣元廢

方輿紀要

明洪武十三年分密雲昌平二縣地建懷柔縣在順義

縣北屬北平府

清類大文分野之書

縣屬順天府正德中改州屬

方輿紀要

縣舊有土城創自洪武十四年至成化三年易以甃石弘治十五年以城大民少去其西偏而城其東偏開三門東曰咸陽南曰拱衛西門最小以便汲水知縣德李士元開大門于西名曰留照復易東門曰迎旭南門曰開薰西小門曰湧泉隆慶二年增設甕城敵臺萬曆八年知縣屯留龐鳳鳴關東小門名曰通利

縣志

懷柔城大兵少弘治中截其東偏而築之故縣治在西門也城周四里六十步三門嘉靖末設兵備僉事于此尋罷後以守備一人駐焉

昌平山水記

唐順之登懷柔城作塞下孤城古白檀半臨平野半

依山秋來亭堠無烽火官馬千家首藉間

縣學明倫堂成化庚寅教諭餘姚趙顥所構泮池萬曆

甲午知縣全州蔣守浩所鑿縣志

廣濟倉在懷柔縣城四鎮三關志

能仁寺在縣治西北洪武十八年建寰宇通志

縣東南九十里有了髻山二峰高聳上有碧霞元君祠

天啓七年巡按御史倪文煥請建太監魏忠賢生祠于

此賜名崇功祠未成而忠賢敗昌平山水記

栲栳山在縣東南九十里山前有雲巖寺又有碗堂寺

縣志縣東七里為白河又東十五里為潮河昌平山水

縣東三里有小泉河又東五里有鴈溪俱流入白河縣

黍谷山在懷柔縣東四十里跨密雲縣界亦名燕谷山

明一統志

燕有黍谷地美而冬不生五穀鄒子居之吹律而溫氣

至劉向別錄

燕有谷氣寒不生五穀鄒衍吹律致氣既寒更為溫熱

以種黍黍生豐熟到今名之曰黍谷論衡

鄒衍吹律能變寒谷生禾黍獨異志

黍谷亦謂之寒谷吳越春秋北過寒谷左思賦寒谷豐

黍吹律以暖之是也山有風洞洞口風氣凜烈盛夏人

不敢入昌平山水記

鄒衍廟在黍谷山上縣志

方問孝謁騶先生祠作夫子昔遊燕宮成碣石年墳
荒肅然雨祠接女郎煙名自三騶著書從五德傳夜
深明月下彷彿笑談天人去不可見川明終古流雲
疑擁篲日廟似築宮秋碑色含苔冷蜩聲帶雨愁應
知精魄在千載此幽州 蒼耳齋詩集

縣東北二十里有神山 有金燈山山頂夜常有光因
建金燈寺 縣志

象山在縣東北四十里山形如象 同上

溫陽有螺山淑水兔耳山 金史

紅螺山在縣北二十里高二百仞下有潭潭中嘗有二
螺色殷紅夕吐光燄土人異之因以名山 明一統志

安遠史檀州有螺山金史順州有螺山王沂

公止契丹事順州東北有螺盤山皆指是山也

紅螺山有泉一綫以珍珠名其水湧如噴珠 長安客話

紅螺山麓有貧福寺古之大明寺也創于金皇統初年

距縣一十五里又有定慧寺亦在山麓建有萬壽齊天

二塔距縣一十八里 縣志

孤臺在縣北三里舊有金勝寺塔今廢 同上

紅石山在縣西北三里山頂有石泉瑩潔如玉一名玉

泉山 同上

縣西三里為石塘山有大丁則採石焉設工部廠 昌平山水記

七渡河在縣西南一里 縣志

朝鯉河亦名七渡河王沂公上契丹事

王世貞懷柔道中作馬足吾何恨山行稍自寬人家

梅雨色衣袖麥秋寒過瀑添新徑歸雲改故巒斷腸

沙雁起一一向長安弁州山人稿

楊且懷柔道中作春風樹樹亂啼鴉鎮日山行未見

花田野蕭條村落靜土橋茅屋兩三家惜陰小稿

喬治

唐太宗平突厥諸蕃稍稍內屬即其部落列置州縣其
大者為都督府以其首領為都督刺史皆得世襲雖貢
賦版籍不上戶部然聲教所暨皆邊州都督都護所領
著于令式其後或臣或叛經制不詳突厥之別部及奚
契丹靺鞨降胡高麗隸河北者為府十四州四十六號

為羈縻云唐書

燕州星分尾斗太平寰宇記

隋於營州之境汝羅故城置遼西郡以處粟末靺鞨降
人唐書

隋開皇中粟末靺鞨與高麗戰不勝有厥稽部渠長突
地稽率忽賜來部窟突始部悅稽蒙部越羽部步護賴
部破奚部步括利部凡八部勝兵數千人自扶餘城西
北舉部落向關內附處之柳城乃燕郡之北煬帝大業
八年為置遼西郡并遼西懷遠瀘河三縣以統之隋北
蕃風俗記

武德元年省瀘河唐書志

武德五年靺鞨渠長阿固即始來唐書列傳

六年自營州遷于幽州城中以首領世襲刺史貞觀元年省懷遠唐書志

二年靺鞨乃臣附所獻有常以其地為燕州唐書列傳

開元三十五年徙治幽州北桃谷山唐書志

按突地稽隋書作度地稽粟末作粟末考粟

末水名或作速末則粟字疑誤又唐書地理

志注云武德元年曰燕州而列傳貞觀二年

靺鞨始來附以其地為燕州當從列傳為正

燕州東至檀州八十里西至幽州九十里南至昌平縣

五十里北至大山五里西南至芹河五里東南至廢易

京城四十里西北至乾河山五里東北至朱城鎮二十

五里太平寰宇記

燕州領縣一遼西州寄理幽州縣亦遷于今所同上

建中二年州為朱滔所滅因廢為幽都縣唐書

真州武德初以涑沫烏素固部落置唐書

順州唐武德初置隸營州萬歲通天二年移于淄青州

安置神龍初復隸幽州領縣一逢龍契丹陷營州後南

遷寄治良鄉縣之故都鄉城太平寰宇記

夷賓州乾符中以愁思嶺部落置唐書志

夷賓州唐乾封中於營州界內置處靺鞨愁思嶺部落

隸營州都督萬歲通天元年遷于徐州神龍初還隸幽

州都督領縣一來蘇寄治于良鄉縣之古廣陽城太平

寰宇記

齊州載初二年析慎州置僑治良鄉之故都鄉城唐書

志

黎州以處浮渝鞞鞞為素固部落隸營州都督萬歲通

天元年遷于宋州安置神龍初還隸幽州都督領縣一

新黎寄治于良鄉縣之故都鄉城太平寰宇記

玄州貞觀二十年以辱紇主曲據部落置僑治范陽之

魯泊村唐書志

元州隋開皇初置萬歲通天二年移于徐宋州安置神

龍元年復舊今隸幽州領縣一靜蕃太平寰宇記

威州本遼州武德元年以內稽部落置初治燕支城後

僑治營州城中貞觀元年更名唐書

七年廢總管府貞觀元年改為威州隸幽州大都督領

縣一威化契丹陷營州後乃南遷寄治于良鄉縣石窰

堡太平寰宇記

昌州貞觀二年以松漠部落置僑治營州之靜蕃戊七

年徙于三合鎮後治安次之故常道城唐書志

昌州始隸營州都督萬歲通天二年遷于青州安置神

龍初還隸幽州領縣一龍山太平寰宇記

師州貞觀三年以契丹室韋部落置僑治昌平之清水

店縣一孤竹唐書志

師州貞觀三年置州于營州東北廢陽師鎮故號師州

隸營州都督萬歲通天元年遷于善州安置神龍初還

隸幽州都督領縣一陽師寄治于良鄉之故東間城太平寰宇記

按師州所領縣唐志則為孤竹寰宇記則為陽師孤竹則帶州所領縣也又唐志羈縻不錄帶州而昌師帶鮮信五州皆遷于青州之境則又及之其同異之故所未喻也

帶州唐貞觀十九年於營州界內置處契丹乙失活部落隸營州都督萬歲通天元年遷于青州安置神龍初還隸幽州都督領縣一孤竹舊治營州界契丹陷營州後寄治于昌平縣之清水店為州治也

沃州載初中析昌州置萬歲通天元年没于李盡忠開元二年復置

沃州以處契丹松漠部落隸營州改隸幽州領縣一濱海本寄治營州城內州陷于契丹乃遷于薊州東南廻

城為治所 太平寰宇記

信州萬歲通天元年以乙失活部落置僑治范陽境 唐書志

信州初隸營州都督萬歲通天二年遷于青州安置神龍初還隸幽州都督領縣一黃龍寄治范陽縣 太平寰宇記

青山州景雲元年析元州置 唐書志

青山州隸幽州都督領縣一青山寄治于范陽縣界水門村 太平寰宇記

鮮州武德五年析饒樂都督府置 唐書志

鮮州分奚部落置隸營州都督萬歲通天元年遷于青州安置改隸幽州領縣一賓徒初治營州自青州還寄

治潞縣之古縣城

太平寰宇記

按後漢志幽州刺史部有賓徒屬遼西

崇州武德五年析饒樂都督府之可汗部落置貞觀三

年更名北黎州

唐書志

崇州唐武德五年置隸營州都督領縣一昌黎貞觀二

年置北黎州寄治營州東北廢陽師鎮八年仍改爲崇

州置昌黎縣契丹陷營州徙治于潞縣之古縣城

太平

寰宇記

歸義州歸德郡總章中以新羅戶置僑治良鄉之廣陽

城縣一歸義後廢開元中信安王禘降契丹李詩部落

五千帳以其衆復置

唐書志

歸義州總章中置以處海外新羅隸幽州都督領縣

歸義良鄉縣之故廣陽城州所理也

太平寰宇記

順州順義郡貞觀四年平突厥以其部落置順祐化長

四州都督府于幽靈之境

唐書志

思順州唐貞觀六年置寄治營州南五柳城天寶元年

改爲順義郡乾元元年復爲順州領縣一賓義郡所治

在幽州城內

太平寰宇記

按新舊唐書地理志俱作順州而寰宇記作

思順州疑衍

瑞州本威州貞觀十年以烏突汗干部落置在營州之

境咸亨中更名

唐書志

瑞州初隸營州都督萬歲通天二年遷于宋州安置神

龍初還隸幽州都督領縣一來遠舊治在營州界州陷

于契丹移治于良鄉縣之故廣陽城 太平寰宇記
凜州天寶初置隸幽州都督府僑治范陽境 唐書志
自燕州以下諸州皆東北降蕃散處幽營州界以州名
羈縻之無所役屬安祿山之亂一切驅之為寇至德之
後人據河朔其部落之名無存者今記唐天寶之故迹
地理焉 太平寰宇記

山下舊聞卷三十五終

山下舊聞卷三十五補遺

京畿十一

順州有龍雲寺 元崇國寺碑陰

馬祖常登都北神山醉中題壁詩過溪踏瑤瓊人山
采蒼翠仙宮名神山下負六鰲背我來訪丹藥羽人
已千歲清嘯響山谷幽姿媚松檜白水從北來南與
衆川會開窓日沃野千峯儼相對自是山林樂何但
官爵貴買田釀清泉里社日相慰詩成悵如失天風
逼衣袂東望鄒衍廟杯酒可遠酌談天劇當時古屋
尙粉繪騎驢獨歸去人世空 一作石出集
密雲縣有鴉鵲安盧家安按說文安止也土人謂安字
爲高平處 碣石叢譚

蘇拯鄒律詠鄒律暖燕谷青史徒編錄人心不變遷
空吹開草木世患有二惑爾律莫能抑邊苦有長征
爾律莫能息斯術未濟時斯律亦何益爭如至公一
開口吹起賢良霸邦國

唐音統義

帝次牛欄山欲盡戮漢軍木華黎以石抹孛迭兒可用
奏釋之

元史

錢藻備兵密雲有二京軍劫人于通州獲之不服州以
白藻二賊恃為京軍出語無狀藻乃移甲于大門之外
獨留乙鞫問數四聲色甚厲已而握筆作百許字若錄
乙口語狀遣去隨以甲入給之曰乙已吐實事由于汝
乙當生汝當死矣甲不意其給也忿然曰乙本首事何
委于我乃盡白乙首事狀藻出乙訟之遂論如法

智囊

余有丁密雲縣疏河記密雲巖邑王畿之左輔七城
東為潮河出孤山折而東注西則白河會之茂甲寅
秋大雨兩河離常流夾城而下城受齧中丞劉公開
府於是謀于中丞楊公都護戚公憲使王公析渠引
河陳畚鍤具甃堊積土塗繕城堡不匝月而工成計
東隄三百五十餘丈西一百餘丈高各三丈五八

文敏公集

順州舊治唐歸順州見大曆五年試太子洗馬鄭宣力
所撰開元寺碑金節使嗣忠王公子明死節於此

秋澗集

柳應芳陪張尚書登檀州北城樓作縱日層樓上時
開旅客顏山臨燕塞斷水繞漢城灣秋色孤鴻外邊

聲萬馬聞令公多暇日登眺不知還 明詩正聲

白河經密雲諸山全受渾榆諸河之水夏秋暴漲隄防不能禦源遠流迅水勢漫散河皆溜沙深淺通塞不常運行甚艱惟用兜杓數千具治河官夫遇淺卽濬庶盤剝可省矣近有議於白河建閘者河廣水盛漲必他決底皆淤沙閘必易損且河徙無定閘難改移蓋未達水土之宜也 問水集

懷柔城極堅整西南在平地東北則因山爲之其南墮城可盤馬麗譙片石記也曆九年增修丈尺末云並用純灰鋪底灌抵全完以垂永久宜其歷日年尚如新築也 溫陽紀畧

釣魚臺在懷柔縣西三里山水殊勝澗流至此廣丈餘

橫板橋以渡東南一望渚煙村樹彷彿江鄉 同上

紅螺山大明寺碑元昭文館大學士太史院使領天監事樊從義撰文宣文閣監書博士兼經筵譯文官王與書稱稱寺始于唐金世宗大定間召佛覺禪師於真定之弘濟來住茲山元仁宗時詔雲山禪師以榮祿大夫大司空佩一品銀章主大聖安寺內侍大司徒王伯順以大明爲聖安宗派請太皇太后發帑五萬爲修寺之資至正中雲山從聖安歸老于此盡捐前後所賜金帛重修焉蓋沙門檢校司空在遼時已然金元循之不改也碑又云兩紅螺死爲雙浮圖瘞之寺中今寺南一池曰紅螺池三面皆果園花時游覽頗勝殿西有竹一畝寺東南二里許爲明懷寧侯孫武敏公墓有兩碑一

